

■ শাবান মাসের ফযিলত	৩৮৩
■ মন্দ কাজ	৩৮৪
■ হাসাদ	৩৮৫
■ রিয়া	৩৮৭
■ রিয়াকারী প্রতারক	৩৯০
■ রিয়াকারীর জন্য বেহেশ্ত হারাম	৩৯০
■ রিয়া থেকে বাঁচার উপায়	৩৯১
■ অহংকার	৩৯২
■ অহংকারের কুফল	৩৯৩
■ অহংকারের কারণ	৩৯৫
■ অহংকার প্রতিকারের উপায়	৩৯৫
■ উজব	৩৯৬
■ আত্মভ্রমিতা থেকে বাঁচার উপায়	৩৯৭
■ রাগ	৩৯৭
■ রাগ শয়তানের পক্ষ হতে আসে	৩৯৮
■ রাগ ধ্বংসের কারণ	৩৯৮
■ ক্রোধ বড় শত্রু	৩৯৯
■ রাগ ঈমানের পরিপূর্ণতার অন্তরায়	৪০০
■ রাগ দমনের উপায়	৪০০
■ জিহ্বার হেফাজত	৪০০
■ জিহ্বা সংযত করা মুক্তির উপায়	৪০১
■ জিহ্বাই সবচেয়ে ভয়ংকর ও সর্বনাশের মূল	৪০২
■ অভিশাপ ও অশ্লীলতা	৪০২
■ লা'নত এর শরয়ী বিধান	৪০৪
■ মিথ্যা	৪০৫
■ ঘটনা	৪০৬
■ গীবত	৪০৮
■ গীবতের পরিচয়	৪০৮

■ গীবতের পরিণাম	৪১১
■ গীবতের কাফ্ফারা	৪১২
■ চোগলখোরী	৪১৩
■ চোগলখোরের কবর আযাব	৪১৪
■ ঘটনা	৪১৫
■ মদ ও জুয়া	৪১৬
■ এ মাসে ওফাতপ্রাপ্ত মনীষীগণ	৪১৯

শাবান

শাবান মাসের ফযিলত

শাবান মাস রজব ও রমযান মাসের মধ্যবর্তী মাস। এর পূর্বের মাস রজব হল সম্মানিত চার মাসের এক মাস আর পরের মাস হল সর্বোত্তম মাস রমযান মাস। শাবান শব্দের অর্থ হল শাখা-প্রশাখা। অর্থাৎ বৃদ্ধির উপর বৃদ্ধি হওয়া। হযরত আনাস (রা.) থেকে বর্ণিত হাদিসে আছে এ মাসের নাম শাবান রাখার কারণ হল এ মাসে রোযা পালনকারী শাখা-প্রশাখার ন্যায় বেশী সাওয়াব প্রাপ্ত হয়। ফলে এ মাসের রোযাদার জান্নাতে প্রবেশ করবে।^{১০৩৬}

হযরত ওসামা ইবনে যায়েদ (রা.) থেকে বর্ণিত, তিনি বলেন আমি বললাম, হে আল্লাহর রাসূল! «أَيُّ شَهْرٍ مَا لَا أَرَاكَ تَصُومُ فِي شَهْرٍ مَا تَصُومُ فِيهِ، قَالَ: «أَيُّ شَهْرٍ؟» قُلْتُ: شَعْبَانُ، قَالَ: «شَعْبَانُ بَيْنَ رَجَبٍ وَشَهْرِ رَمَضَانَ يَغْفُلُ النَّاسُ عَنْهُ، تُرْفَعُ فِيهِ أَعْمَالُ الْعِبَادِ، فَأَحَبُّ أَنْ لَا يُرْفَعَ عَمَلِي إِلَّا وَأَنَا صَائِمٌ» আমি আপনাকে একটি মাসে এত বেশী রোযা রাখতে দেখি অন্য মাসে এভাবে রোযা রাখতে দেখিনা। নবী করিম ﷺ বললেন, কোন মাসে? আমি বললাম, শাবান মাসে। তিনি বললেন, শাবান হলো রজব ও রমযান মাসের মধ্যবর্তী মাস। এ মাসে মানুষ অলস থাকে। অথচ এ মাসে বান্দার আমলসমূহ উঠানো হয়। অতএব আমি পছন্দ করি যে, আমার আমল যখন উঠানো হবে তখন আমি রোযাদার থাকি।^{১০৩৭}

হযরত আয়েশা (রা.) থেকে বর্ণিত, **أَحَبُّ الشُّهُورِ إِلَى رَسُولِ اللَّهِ صَلَّى اللَّهُ عَلَيْهِ وَسَلَّمَ**, এর কাছে প্রিয় মাস হল শাবান মাস। এ মাসে তিনি রোযা রাখতেন অতঃপর রমযান মাসে পৌঁছে যেতেন।^{১০৩৮}

হযরত আনাস (রা.) থেকে বর্ণিত, তিনি বলেন, **قِيلَ: يَا رَسُولَ اللَّهِ أَيُّ الصَّوْمِ أَفْضَلُ؟** কেউ **قَالَ: "صَوْمُ شَعْبَانَ تَعْظِيمًا لِرَمَضَانَ"** قَالَ: **فَأَيُّ الصَّدَقَةِ أَفْضَلُ؟** قَالَ: **"صَدَقَةٌ فِي رَمَضَانَ"** জিজ্ঞাসা করল ইয়া রাসূলুল্লাহ! কোন রোযা উত্তম? তিনি বললেন, শাবান মাসের রোযা উত্তম (নফল) রমযানের সম্মানার্থে। জিজ্ঞাসা করল— কোন সাদকা উত্তম? তিনি বললেন, রমযান মাসের সাদকা উত্তম।^{১০৩৯}

^{১০৩৬} আব্দুল হক মোহাদ্দেস দেহলভী (র.) (১০৫২ হি), মা ছাবাতা বিসসুনাহ, পৃ-১৮৮

^{১০৩৭} ইমাম বায়হাকী (র.) (৪৫৮ হি), ফাযায়েলুল আওকাত, পৃ-১১৬, হাদিস নং-২১

^{১০৩৮} প্রাগুক্ত, পৃ-১১৩, হাদিস নং-১৯

^{১০৩৯} প্রাগুক্ত, পৃ-১১৪, হাদিস নং-২০

হযরত আয়েশা (রা.) থেকে বর্ণিত, তিনি বলেন, كَانَ رَسُولُ اللَّهِ صَلَّى اللَّهُ عَلَيْهِ وَسَلَّمَ يَصُومُ حَتَّى يَقْطُرَ، وَيَقْطُرُ حَتَّى يَقُولَ: لَا يَصُومُ، فَمَا رَأَيْتُ رَسُولَ اللَّهِ صَلَّى اللَّهُ عَلَيْهِ وَسَلَّمَ اسْتَكْمَلَ صِيَامَ شَهْرٍ إِلَّا رَمَضَانَ، وَمَا رَأَيْتُهُ أَكْثَرَ صِيَامًا مِنْهُ فِي شَعْبَانَ " একাধারে (এতবেশী) রোযা রাখতেন (শাবান মাসে) আমরা বলাবলি করতাম, তিনি আর রোযা পরিত্যাগ করবেন না। আবার কখনো এমনভাবে রোযা ছেড়ে দিতেন, আমরা বলাবলি করতাম, তিনি আর রোযা রাখবেন না। আমি রাসূল ﷺ কে রমযান ব্যতীত কোন পুরা মাসে রোযা রাখতে দেখিনি এবং শাবান মাসের চেয়ে কোন মাসে বেশী রোযা রাখতে দেখিনি।^{১০৪০}

উক্ত হাদিস দ্বারা প্রতীয়মান হয় যে, নবী করিম ﷺ রমযান মাসের পর সবচেয়ে বেশী রোযা রাখতেন শাবান মাসে।

হযরত আয়েশা (রা.) থেকে বর্ণিত, তিনি বলেন, রাসূল ﷺ শাবান মাসে বেশী রোযা রাখতেন। আমি বললাম, ইয়া রাসূলুল্লাহ! আমি আপনাকে শাবান মাসে বেশী রোযা রাখতে দেখেছি। উত্তরে তিনি বললেন— إِنَّ هَذَا الشَّهْرَ يُكْتَبُ فِيهِ لِمَلِكِ الْمَوْتِ مَنْ أَنْ هَذَا الشَّهْرُ يُقْبَضُ فَأَنَا لَا أَحِبُّ أَنْ يُنْسَخَ اسْمِي إِلَّا وَأَنَا صَائِمٌ এ মাসে কারা কারা মৃত্যুবরণ করবে, তাদের তালিকা আজরাঈল (আ.)কে প্রদান করা হয়। অতএব আমি চাই যে, আমার নামটি লিপিবদ্ধ হোক রোযাদার অবস্থায়।^{১০৪১}

হযরত আনাস (রা.) থেকে বর্ণিত, তিনি বলেন— كَانَ الْمُسْلِمُونَ إِذَا دَخَلَ شَعْبَانُ أَكْبَرُوا عَلَى الْمَصَاحِفِ فَقَرَّوْهَا অতঃপর কুরআন তিলাওয়াত করত।^{১০৪২}

মোটকথা হল রমযান মাসের পরিপূর্ণ ফযায়েল ও বরকত অর্জনের জন্য শাবান মাস থেকে নিজেকে প্রস্তুত করতে হবে। রোযা, নামায, কুরআন তিলাওয়াত ইত্যাদি ইবাদত করে ইবাদতে অভ্যস্ত হয়ে উঠলে রমযানে ভালভাবে ইবাদত বন্দেগীর পূর্ণস্বাদ লাভ করতে পারবে।

মন্দ কাজ

মানুষ আশরাফুল মাখলুকাত তথা সৃষ্টির সেরা জীব। এই শ্রেষ্ঠত্ব অর্জিত হয় اخلاق তথা চারিত্রিক গুণের উৎকর্ষতার মাধ্যমে। সৎচরিত্রের দ্বারা যেমন সৃষ্টির শ্রেষ্ঠত্ব

^{১০৪০} ইমাম বুখারী (র.) (২৫৬ হি), খণ্ড-১, পৃ-২৬৪, হাদিস নং-১৮৪৪

^{১০৪১} আবু ইয়াল্লা (র.) স্বীয় মুসনাদ গ্রন্থে ৮/৩১১-৩১২/৪৯১১, সূত্র: লাভায়েফুল মাআরিফ, খণ্ড ১, পৃ-২১৯

^{১০৪২} ইবনে রজব হাম্বলী (র.) (৭৯৫ হি), লাভায়েফুল মাআরিফ, খণ্ড-১, পৃ-২২১

লাভ করে তেমনি অসৎ চরিত্র দ্বারা হাইওয়ান তথা জীবজন্তুর চেয়ে নিকৃষ্ট হয়ে যায় মানুষ। মন্দ চরিত্রের লোককে কেউ পছন্দ করে না এমনকি অতি আপনজনও তাকে ঘৃণা করে। ফলে মন্দ কাজগুলো চিহ্নিত করে সম্পূর্ণ পরিহার করা একান্ত প্রয়োজন। আর এই মন্দ কাজগুলো হচ্ছে হিংসা-বিদ্বেষ, লোভ-লালসা, পরনিন্দা, অহংকার, মিথ্যা, রিয়া, রাগ, তোষামোদ, গালি-গালাজ, মদ, জুয়া ইত্যাদি। এইসব মন্দ কাজের খারাপ পরিণতি সম্পর্কে কুরআন-হাদিসে বিশদ বর্ণনা রয়েছে এবং ঐগুলো পরিত্যাগ করার কঠোর নির্দেশ দেয়া হয়েছে। মন্দ কাজের পরিচিতি ও পরিণতি সম্পর্কে কোরান-হাদিসের আলোকে নিম্নে আলোচনার প্রয়াস পাচ্ছি।

হাসাদ

حسد তথা হিংসা-বিদ্বেষ। حسد শব্দের অর্থ হলো কারো নেয়ামত ও সুখ দেখে দন্ধ হওয়া ও তার অবসান কামনা করা। ইমাম নবভী (র.) বলেন, অন্যের প্রাপ্ত নেয়ামতের অপসারণ কামনা করাই হল হাসাদ।^{১০৪৩}

এই হিংসা হারাম ও মহাপাপ। শাহ আব্দুল আজিজ দেহলভী (র.) বলেন আসমানে সর্বপ্রথম সংঘটিত গুনাহ হিংসা যা অভিশপ্ত শয়তান থেকে প্রকাশিত হয়েছে আদম (আ.) এর বিরুদ্ধে আর পৃথিবীতেও সর্বপ্রথম সংঘটিত গুনাহ হিংসা যা আদম (আ.) এর পুত্র হাবীলের বিরুদ্ধে কাবিল থেকে প্রকাশিত হয়েছে।^{১০৪৪} এই হিংসার কারণেই হযরত ইউসূফ (আ.) কে তার ভাইয়েরা স্বীয় পিতা ইয়াকুব (আ.) থেকে দীর্ঘদিন বিচ্ছেদ করে রেখেছিল। ইহুদি-নাসারা দ্বীন ইসলামকে অস্বীকার করেছে হিংসার কারণে। আল্লাহ তায়ালা বলেন—وَدَّ كَثِيرٌ مِّنْ أَهْلِ الْكِتَابِ لَوْ يَرُدُّوكُم مِّنْ بَعْدِ إِيمَانِكُمْ كُفَّارًا حَسَدًا অর্থাৎ আহলে কিতাবদের অনেকেই প্রতিহিংসাবশত চায় যে, মুসলমান হওয়ার পর তোমাদেরকে কোন রকমে কাফির বানিয়ে দেয়।^{১০৪৫} হিংসার কারণেই রাসূল ﷺ এর উপর যাদু করা হয়েছিল। তাই কুরআনে বলা হয়েছে—وَمِنْ شَرِّ حَاسِدٍ إِذَا حَسَدَ (আমি আশ্রয় গ্রহণ করছি) হিংসুকের অনিষ্ট থেকে যখন সে হিংসা করে।^{১০৪৬} হিংসা এমন এক মারাত্মক ব্যাধি যার কোন ঔষধ নাই, চিকিৎসা নাই। হিংসুক নিজেই হিংসার আগুনে জ্বলে সর্বদা। হিংসার আগুন অপরকে পুড়াতেও পারে না পুড়াতেও পারে কিন্তু সে আগুনে হিংসুক নিজে জ্বলেবে এতে কোন সন্দেহ নাই। হিংসুকের কোন ইবাদত আল্লাহর দরবারে

^{১০৪৩}. রিয়াদুস সালেহীন পৃ. ৫৯১

^{১০৪৪}. তাফসীরে আজিজি ২৯৭ পৃষ্ঠা

^{১০৪৫}. সূরা বাকারা, আয়াত-১০৯

^{১০৪৬}. সূরা ফালাক, আয়াত-৫

কবুল হওয়া তো দূরের কথা পৌঁছবেও না। কেননা হিংসা হিংসুকের যাবতীয় ইবাদত নষ্ট করে দেয়। নবী করিম ﷺ এরশাদ করেন— **إِيَّاكُمْ وَالْحَسَدَ، فَإِنَّ الْحَسَدَ يَأْكُلُ الْحَسَنَاتِ** তোমরা হিংসা-বিদ্বেষ থেকে বেঁচে থাক। কেননা হিংসা মানুষের সৎকর্মসমূহকে খেয়ে (নষ্ট করে) ফেলে, যেমনিভাবে আগুন খেয়ে ফেলে কাঠকে।^{১০৪৭} অন্যত্র নবী করিম ﷺ এরশাদ করেন— **«لَا تَبَاغُضُوا، وَلَا تَحَاسَدُوا، وَلَا تَدَابَرُوا، وَكُونُوا** তোমরা পরস্পর হিংসা-বিদ্বেষ পোষণ করো না, পরস্পরের প্রতি মুখ ফিরিয়ে রেখো না, তোমরা আল্লাহর বান্দা ও পরস্পর ভাই ভাই হয়ে যাও। আর কোন মুসলমানের পক্ষে অন্য মুসলমান ভাইয়ের প্রতি তিনদিনের বেশী সময় পর্যন্ত সম্পর্ক ছিন্ন করে রাখা জায়েয নাই।^{১০৪৮} নবী করিম ﷺ হিংসা-বিদ্বেষকে দ্বীন মুগুনকারী মারাত্মক ব্যাধি হিসাবে আখ্যায়িত করেছেন। হাদিস শরীফে বর্ণিত হয়েছে— **دَبَّ إِلَيْكُمْ ذَاؤُ الْأَمَمِ قَبْلَكُمْ: الْحَسَدُ، وَالْبَغْضَاءُ: هِيَ الْخَالِقَةُ، لَا** অর্থাৎ পূর্ববর্তী উম্মতের ব্যাধি তোমাদের মধ্যে ছড়িয়ে পড়েছে তা হল হিংসা-বিদ্বেষ। এটি মুগুনকারী ব্যাধি। নবী ﷺ বলেন, আমি চুল মুগুনকারী বলছি না বরং দ্বীন মুগুনকারী।^{১০৪৯}

ইমাম গাজ্জালী (র.) বলেন— হযরত মূছা (আ.) একদিন এক ব্যক্তিকে আরশে আ'জমের ছায়ায় দেখে আল্লাহর কাছে আরয করলেন— হে আল্লাহ! এই ভাগ্যবান ব্যক্তি কে? উত্তর দিলেন— তিনটি আমল দ্বারা সে নৈকট্য অর্জন করেছে। (১) সে কখনো কারো প্রতি হিংসা করেনি। (২) সে কোন দিন পিতা-মাতার অবাধ্য হয়নি। (৩) সে কোন দিন চোগলখোরী করেনি।^{১০৫০}

হিংসুক উভয় জগতে ক্ষতিগ্রস্ত হয়। হিংসুকের হিংসার কারণে হিংসাকৃত ব্যক্তির নেয়ামত বন্ধ হবে না বরং বাড়বে। ফলে যত নেয়ামত বাড়বে তত হিংসুকের অন্তরের জ্বলন বেড়ে যাবে। হিংসার আগুন অন্যকে জ্বালাবে কিনা সন্দেহ কিন্তু হিংসুককে জ্বালাবে নিঃসন্দেহে। কারো নিয়ামত দেখে হিংসা হওয়া মানে আল্লাহর বণ্টনে নারাজ হওয়া। ইমাম গাজ্জালী (র.) বলেন— হযরত যাকারিয়া (আ.) এর বাণী: আল্লাহ তায়ালা বলেন— আমার বান্দার প্রতি প্রদত্ত নেয়ামত দেখে হিংসা করা মানে আমার বণ্টনে নারাজ

^{১০৪৭}. আবু দাউদ

^{১০৪৮}. বুখারী ও মুসলিম

^{১০৪৯}. মেশকাত, ৪২৮ পৃষ্ঠা

^{১০৫০}. ইমাম গাজ্জালী (র.), এয়াহ ইয়াউল উলুম

হওয়া।^{১০৫১} আল্লাহর কাজে নারাজ হওয়া কুফরী। আর পরকালের ক্ষতি হল দুনিয়ায় হিংসার কারণে তার সব আমল নষ্ট হয়ে যাবে। ফলে কিয়ামত দিবসে আমলবিহীন উঠবে। অথবা হিংসুকের আমল হিংসাকৃত ব্যক্তির আমলনামায় লিখা হবে ফলে হিংসুককে আমলবিহীন অবস্থায় জাহান্নামে যেতে হবে। হিংসা এমন এক ভয়ঙ্কর ব্যাধি যে, অঙ্ক লোক তো বটেই, বড় বড় সাধক দরবেশকেও কজ করে নেয়। এমনকি তাদেরকে দুনিয়াতে সর্বনাশ করে পরকালে জাহান্নামে পৌঁছিয়ে দেয়। রাসূল  এরশাদ করেন, ছয় প্রকারের লোক ছয়টি কারণে জাহান্নামে প্রবেশ করবে। আরবগণ স্বজনপ্রীতির কারণে, আমীর উমরার দল নির্যাতন-নিপীড়নের কারণে, ব্যবসায়ীগণ খেয়ানতের কারণে, পল্লীবাসীরা মূর্খতার কারণে এবং পীর ও আলেমগণ হিংসার কারণে।^{১০৫২}

ইমাম গাজ্জালী (র.) বলেন, হিংসা সাধারণত পাঁচটি ক্ষতি করে। যথা: (১) পূণ্য বিনষ্ট করে। (২) পাপ ও নাকরমানীর প্রেরণা যোগায়। (৩) দুশ্চিন্তার উদ্ভয় ঘটায়। অধিকন্তু পাপ বৃদ্ধি করে। (৪) হিংসার প্রভাবে হিংসুকের হৃদয় দৃষ্টিহীন হয়ে যায়। (৫) অবমাননা ও লাঞ্ছনার অভিশাপ ডেকে আনে।^{১০৫৩} অতএব হিংসা সর্বাবস্থায় পরিত্যাজ্য, তবে ঈর্ষা জায়েয। ঈর্ষা বলা হয় নেয়ামতের অধিকারী ব্যক্তির নেয়ামত ধ্বংস কামনা না করে নিজেই অনুরূপ নেয়ামত লাভের প্রত্যাশা করা। যেমন কারো ধন দৌলত, জ্ঞান-গরিমা, তাকওয়া পরহেজগারী দেখে ওদের মত নিজের জন্যও আল্লাহর কাছে প্রার্থনা করা। এটা মন্দ নয় বরং উত্তম। যেমন হাদিস শরীফে আছে— আল্লাহর বান্দাদের মধ্যে কিছু লোক এমন আছে যারা নবীও নন শহীদও নন কিন্তু কিয়ামতের দিন তাদের মর্যাদা দেখে নবীগণ ও শহীদগণ আল্লাহর কাছে ঈর্ষা করবেন।^{১০৫৪} তাই হিংসা পরিত্যাগ করে ঈর্ষা গ্রহণ করে দুনিয়া আখেরাতের সফলতা অর্জনে সর্বদা প্রচেষ্টা করা একান্ত প্রয়োজন।

রিয়া

রিয়া শব্দের অর্থ হল লোক দেখানো। মূলত মানুষকে উত্তম চরিত্র দেখিয়ে তাদের অন্তরে নিজের মর্যাদা প্রতিষ্ঠা করাকে রিয়া বলে। ইমাম গাজ্জালী (র.) বলেন— লোক দেখানো ইবাদতের মাধ্যমে নিজের মহত্ব ও মর্যাদা প্রতিষ্ঠা করাই হল রিয়া। জেনে রেখো রিয়া হারাম আর রিয়াকারী আল্লাহ তায়ালার নিকট অভিশপ্ত।^{১০৫৫} রিয়া এক

^{১০৫১} খুত্বাতে গাজ্জালী, পৃষ্ঠা-১০২

^{১০৫২} ইমাম গাজ্জালী (র.), মিনহাযুল আবেদীন, বাংলা, পৃষ্ঠা-১১৬

^{১০৫৩} প্রাগুক্ত

^{১০৫৪} মেশকাত, পৃষ্ঠা-৪২৬

^{১০৫৫} ইমাম গাজ্জালী (র.), তাশকীলে কিরদার, উর্দু, পৃ. ১৭৬

প্রকারের ধোঁকা ও প্রতারণা বিধায় হারাম। রিয়াকারীর অন্তরে সর্বশক্তিমান আল্লাহর ভয়ের চেয়ে দুর্বল বান্দার ভয় বেশী। আল্লাহর নিকট মর্যাদাবান হওয়ার চেয়ে বান্দার নিকট মর্যাদাবান হওয়ার প্রবণতা প্রকট হয়ে দেখা দেয়। এমনকি রিয়াকারী আল্লাহকে বাদ দিয়ে বান্দাকে খুশী করতে আশ্রয় চেষ্টা চালায়। এদিক দিয়ে রিয়াকারী বান্দাকে আল্লাহর চেয়ে বেশী গুরুত্ব দেয়। ফলে এটা শিরকের পর্যায়ে পৌঁছে যায়। এইজন্য নবী করিম ﷺ রিয়াকে শিরকে আসগর বা শিরকে খফী বলেছেন। হিংসার ন্যায় এটাও অন্তরের ধ্বংসাত্মক ও মারাত্মক ব্যাধি। এই ব্যাধি থেকে সাধারণ মানুষ তো দূরের কথা বড় বড় সূফী সাধকগণও বাঁচতে পারেনি। ইমাম গাজ্জালী (র.) বলেন, রিয়াকারী একজন বান্দাহকে উদ্দেশ্য পূরণের জন্য আল্লাহর চেয়ে বড় শক্তিশালী মনে করে অথবা বান্দার নৈকট্য অর্জন করা আল্লাহর নৈকট্য অর্জনের চেয়ে বেশী উত্তম মনে করে। নতুবা এমন রাজাধিরাজ মহান আল্লাহর উপর অন্যকে কেন প্রাধান্য দেবে? ^{১০৫৬} আল্লাহ তায়ালা ও নবী করিম ﷺ যথাক্রমে কুরআন ও হাদিস শরীফে এই মারাত্মক অন্তর ব্যাধি থেকে বেঁচে থাকার নির্দেশ দিয়েছেন। আল্লাহ তায়ালা এরশাদ করেন—

فَوَيْلٌ لِلْمُصَلِّينَ ، الَّذِينَ هُمْ عَنْ صَلَاتِهِمْ سَاهُونَ ، الَّذِينَ هُمْ يُرَاءُونَ ، وَيَمْنَعُونَ الْمَاعُونَ

অতএব দুর্ভোগ সেসব নামাযীদের যারা তাদের নামায সম্বন্ধে বেখবর; যারা তা লোক দেখানোর জন্য করে এবং নিত্য ব্যবহার্য বস্তু অন্যকে দেয়না। ^{১০৫৭} রিয়া মুনাফিকের অভ্যাস। তারা ইসলামী রাষ্ট্রের সুযোগ-সুবিধা ভোগের জন্য মুসলমানদের দেখানোর জন্য নামায, রোযা ইত্যাদি ইবাদত বন্দেশী করতো। আল্লাহর সন্তুষ্টি অর্জন তাদের উদ্দেশ্য ছিলনা। আল্লাহ পাক বলেন—

إِنَّ الْمُنَافِقِينَ يُخَادِعُونَ اللَّهَ وَهُوَ خَادِعُهُمْ وَإِذَا قَامُوا إِلَى الصَّلَاةِ قَامُوا كُسَالَى يُرَاءُونَ النَّاسَ وَلَا يَرْءُونَ اللَّهَ إِلَّا قَلِيلًا

অবশ্যই মুনাফিকরা প্রতারণা করছে আল্লাহর সাথে, অথচ তারা নিজেরাই নিজেদের প্রতারিত করে। বস্তুতঃ তারা যখন নামাযে দাঁড়ায় তখন দাঁড়ায় একান্ত শিথিলতা ও লোক দেখানোর জন্য— আর তারা আল্লাহকে অল্পই স্মরণ করে। ^{১০৫৮}

নবী করিম ﷺ এরশাদ করেন—

ان ادنى الرياء شرك

শিরক। ^{১০৫৯} হযরত সাদ্দাদ (রা.) থেকে বর্ণিত, তিনি বলেন, আমি একদিন হুযূর ﷺ এর খেদমতে হাজির হলাম। তাঁর চেহারা মোবারক বিষন্ন দেখে জিজ্ঞাসা করলাম এর কারণ কি? তিনি বললেন আমার পরে উম্মত মুশরিক হওয়ার সম্ভাবনা করছি। আমি

^{১০৫৬} ইমাম গাজ্জালী (র.), তাশকীলে কিরদার, উর্দু, পৃ. ১৮৩

^{১০৫৭} সূরা মাউন, আয়াত ৪-৭

^{১০৫৮} সূরা নিসা, আয়াত ১৪২

^{১০৫৯} ইমাম গাজ্জালী (র.), তাশকীলে কিরদার, উর্দু, পৃ. ১৭৮

বললাম হযূরের পরে কি উম্মত শিরকে লিপ্ত হবে? উত্তরে হযূর ﷺ বললেন, তারা তো নিশ্চয় চন্দ্র-সূর্য, পাথর মূর্তিপূজা করবেন। তবে আমলে রিয়া করবে। আর রিয়াই হল শিরক। অতঃপর **عَهِدَ رَبِّهِ أَحَدًا** এই আয়াত তিলাওয়াত করেন।^{১০৬০} নবী করিম ﷺ এরশাদ করেন— **إِنَّ أَخَوْفَ مَا أَخَافُ** নিশ্চয় আমি তোমাদের ব্যাপারে যে বিষয়ে সবচেয়ে বেশী ভয় করছি তা হল শিরকে আসগর। উপস্থিত সাহাবীরা জিজ্ঞাসা করলেন— ইয়া রাসূলুল্লাহ! শিরকে আসগর কি? উত্তরে বললেন— **الرِّيَاءُ يَقُولُ اللَّهُ عَزَّ وَجَلَّ لَهُمْ يَوْمَ يُجَازَى الْعِبَادُ** শিরকে আসগর হল রিয়া। আল্লাহ তায়ালা কিয়ামত দিবসে যখন বান্দাদের আমলের প্রতিদান দেবেন তখন রিয়াকারীদের বলবেন তোমরা প্রতিদানের জন্য ঐসব ব্যক্তিদের কাছে যাও যাদেরকে দেখানোর জন্য আমল করেছিলে।^{১০৬১} রিয়াকারীর কোন আমল আল্লাহ কবুল করবেন না। নবী করিম ﷺ এরশাদ করেন— **لَا يَقْبَلُ اللَّهُ عَزَّ وَجَلَّ عَمَلًا فِيهِ مِثْقَالُ ذَرَّةٍ رِيَاءً** আল্লাহ এমন আমল কবুল করবে না যার মধ্যে বিন্দু পরিমাণ রিয়া থাকবে।^{১০৬২} রাসূল ﷺ আরো এরশাদ করেন— কিয়ামতের দিন মোহরাক্ষিত করা কিছু আমলনামা আনা হবে তখন আল্লাহ ফেরেশতাদেরকে বলবেন ঐ আমলনামাকে নিক্ষেপ করে দাও। ফেরেশতা আল্লাহর দরবারে আরম্ভ করবেন হে আল্লাহ আপনার ইজ্জত ও জালালের কসম, আমাদের তো ঐ আমলনামা ভালই মনে হচ্ছে। আল্লাহ বলবেন, হ্যাঁ, কিন্তু ঐ আমল তো অন্যের জন্য করেছে। আমি শুধু ঐসব আমল গ্রহণ করি যা খালেসভাবে শুধু আমার জন্যই করেছে।^{১০৬৩} হযরত আবু হোরায়ারা (রা.) থেকে বর্ণিত, রাসূল ﷺ এরশাদ করেন— কিয়ামতের দিন আল্লাহ তায়ালা স্বীয় মাখলুকের ফায়সালা করবেন। প্রত্যেক দল তাঁর সম্মুখে উপস্থিত হবেন। তখন আল্লাহ কুরআন তেলাওয়াতকারী ক্বারী, শহীদ এবং সম্পদশালীদের তলব করবেন। প্রথমে ক্বারীকে জিজ্ঞেস করবেন তুমি যা জানতে তা মোতাবেক কতটুকু আমল করেছে? উত্তরে সে বলবে আমি দিবা-রাত্রি নামাযে কুরআন তেলাওয়াত করেছি। আল্লাহ বলবেন— তুমি মিথ্যা বলেছ। এতে তোমার উদ্দেশ্য ছিল লোকে তোমাকে ক্বারী বলুক। সুতরাং তোমাকে ক্বারী বলা হয়েছে। তারপর ধনীকে আহবান করবেন এবং বলবেন আমি যা কিছু তোমাকে দিয়েছি তা তুমি কোথায় খরচ

^{১০৬০} সূরা কাহাফ, আয়াত- ১১০; গুনিয়াতুত তালাবীন, উর্দু, পৃ. ৪৫১

^{১০৬১} ইমাম গাজ্জালী (র.), তাসকীলে কিরদার, উর্দু, পৃ. ১৭৮

^{১০৬২} প্রাগুক্ত

^{১০৬৩} আব্দুল কাদের জিলানী (র.), গুনিয়াহ, উর্দু, পৃ. ৪৫১

করেছ? উত্তরে সে বলবে তা আমি গরীব আত্মীয়-স্বজনের জন্য খরচ করেছি এবং দান খয়রাত করেছি। আল্লাহ বলবেন তুমি মিথ্যুক। ঐসব কাজে তোমার উদ্দেশ্য ছিল তোমাকে দানশীল বলা। সুতরাং তোমাকে দানশীল বলা হয়েছে। অতঃপর শহীদদের আহবান করে জিজ্ঞাসা করবেন, তুমি কেন জিহাদে শরীক হয়েছ এবং কেন মারা গিয়েছ? উত্তরে বলবে হে আল্লাহ! আমি তোমার জন্য তোমার রাস্তায় জিহাদ করেছি। শেষ পর্যন্ত জিহাদে মৃত্যুবরণ করেছি। আল্লাহ বলবেন, তুমি মিথ্যা বলেছ। তোমার উদ্দেশ্য এটা ছিলনা বরং তোমার উদ্দেশ্য ছিল তোমাকে বীর বাহাদুর বলা। সুতরাং তোমাকে বাহাদুর বলা হয়েছে। এ কথা বলার পর রাসূল ﷺ আফসোস করে বললেন- হে আবু হোরায়া! কিয়ামতের দিন সৃষ্টির মধ্যে এই তিন প্রকারের লোকই সর্বপ্রথম জাহান্নামের আগুনে জ্বলবে।^{১০৬৪}

রিয়াকারী প্রতারক

রিয়া এক ধরনের প্রতারণা। রিয়াকারী কেবল মানুষের সাথে নয় স্বয়ং সৃষ্টিকর্তার সহিত প্রতারণা করতে চায়। তাই সেই বড় প্রতারক। জনৈক ব্যক্তি রাসূল ﷺ কে জিজ্ঞাসা করলেন কিয়ামত দিবসে আমার নাজাতের উসিলা কি হবে? উত্তরে রাসূল ﷺ বললেন, তুমি আল্লাহকে ধোঁকা দেয়ার চেষ্টা করোনা। লোকটি বলল, আমি কিভাবে আল্লাহকে ধোঁকা দেবো? নবী করিম ﷺ বললেন- (ধোঁকার নিয়ম হল) কাজতো আল্লাহ যা হুকুম করেছেন তাই করবে কিন্তু উদ্দেশ্য হবে আল্লাহ ছাড়া অন্য কিছু। রিয়া থেকে বেঁচে থাক, কেননা রিয়া হচ্ছে শিরক। কিয়ামত দিবসে সমস্ত মাখলুকের সামনে রিয়াকারীদেরকে চারটি নামে ডাকা হবে (১) হে কাফের (২) হে পাপী (৩) হে দাগাবাজ এবং (৪) হে ক্ষতিগ্রস্থ! তোমার সমস্ত আমল বরবাদ, তোমার প্রতিদান হয়ে গিয়েছে। আজ তোমার জন্য কিছুই নেই। হে প্রতারক! তুই যার জন্যে আমল করেছিলে আজ তার কাছ থেকে সওয়াব আদায় কর।^{১০৬৫} আরো বর্ণিত আছে যে, রোজ কিয়ামতে এরূপ একটি প্রকাশ্য ঘোষণা শুন্য যাবে যে, তারা আজ কোথায় যারা মানুষের ইবাদত করত? দাঁড়িয়ে যাও এবং যাদের ইবাদত করতে তাদের নিকট থেকেই প্রতিদান গ্রহণ কর।^{১০৬৬}

রিয়াকারীর জন্য বেহেশ্ত হারাম

রিয়া মুনাফিকের চরিত্র। আর মুনাফিকের স্থান জাহান্নামের সর্বনিম্ন স্তরে। তাছাড়া রিয়াকে যেহেতু মহানবী শিরক বলেছেন সেহেতু রিয়াকারী হবে মুশরিক। আর এর জন্য বেহেশত চিরস্থায়ী ভাবে হারাম। ইমাম গাজ্জালী (র.) বলেন রাসূল ﷺ এরশাদ

^{১০৬৪}. আব্দুল কাদের জিলানী (র.), গুনিয়াহ, উর্দু, পৃ. ৪৫৩

^{১০৬৫}. আব্দুল কাদের জিলানী (র.), গুনিয়াহ, উর্দু, পৃ. ৪৫৫

^{১০৬৬}. ইমাম গাজ্জালী (র.), মিনহাযুল আবেদীন, বাংলা, পৃ. ২৩২

করেন- কিয়ামত দিবসে বেহেশত কথা বলার শক্তি পাবে এবং ঘোষণা করে জানিয়ে দেবে যে, কৃপণ ও রিয়াকারীদের জন্য আমি হারাম।^{১০৬৭} গাউসে পাক (র.) বলেন- হযরত ইবনে আব্বাস (রা.) থেকে বর্ণিত, রাসূল ﷺ এরশাদ করেন- আল্লাহ তায়ালা যখন জান্নাতে আদমকে সৃষ্টি করলেন তন্মধ্যে এমন নিয়ামত সমূহ সৃষ্টি করেছেন যা না কোন চোখে দেখেছে, না কোন কানে শুনেছে, না কোন মানুষের অন্তরে খেয়াল এসেছে। তারপর তাকে বললেন- হে আদন! তোমার কিছু বলার থাকলে আমাকে বল। তখন জান্নাতে আদন বলবে- **فَذُفِّلِحُ الْمُؤْمِنُونَ** মু'মিনরাই সফলকাম তারপর বলবে, আমি প্রত্যেক কৃপণ ও রিয়াকারের উপর হারাম।^{১০৬৮}

হযরত আদি ইবনে হাতেম (রা.) বলেন- রাসূল ﷺ এরশাদ করেন, কিয়ামতের দিন কিছু লোককে কঠিন আযাব দেয়া হবে। আল্লাহ তাদেরকে বলবেন- তোমরা আমার সামনে বড় বড় গুনাহ করতে কিন্তু যখন মানুষের সাথে মিলতে তখন নম্র-ভদ্র হয়ে যেতে। তোমরা লোকদেরকে ভয় করতে কিন্তু আমাকে ভয় করতে না, তোমরা লোকদেরকে বড় মনে করতে আমাকে বড় মনে করতে না। আমার ইজ্জতের শপথ! আজ আমি তোমাদেরকে কষ্টদায়ক শাস্তি দেবো।^{১০৬৯}

রিয়্যা থেকে বাঁচার উপায়

আগেই বলা হয়েছে যে, রিয়্যা আমলকে নষ্ট করে দেয়, আল্লাহকে অসম্ভব করে দেয় পরকালে জাহান্নামী বানিয়ে দেয় এবং এটি একটি অদৃশ্য মারাত্মক অন্তর ব্যাধি। সুতরাং এই ব্যাধি থেকে প্রত্যেক মুসলমানকে বেঁচে থাকতে হবে। রিয়্যা থেকে বাঁচার উপায় হল- **প্রথমত:** রিয়্যা প্রদর্শনের মাধ্যমে যেহেতু অন্যের কাছ থেকে মান-মর্যাদা প্রশংসা ইত্যাদি পাওয়ার আকাঙ্ক্ষা থাকে বিধায় প্রথমে রিয়্যাকারের অন্তর থেকে ঐ ধ্বংসশীল আশা-আকাঙ্ক্ষাগুলো ধুয়ে মুছে ফেলে দিতে হবে। **দ্বিতীয়ত:** রিয়্যা হল ইখলাসের বিপরীত। অর্থাৎ যার অন্তরে রিয়্যা আছে তার অন্তরে ইখলাস নাই। ইখলাস অর্জন করলে রিয়্যা দূরীভূত হবে। সুতরাং ইখলাসের মাধ্যমে রিয়্যা থেকে বাঁচা সম্ভব। **তৃতীয়ত:** যেহেতু এসব গুনাহের মূল উৎসাহ প্রদানকারী হল নফস শয়তান। সেহেতু সর্বদা তার বিপরীত কাজ করতে হবে। ইমাম গাজ্জালী (র.) বলেন- ইবাদতেচ্ছু ব্যক্তির চতুর্থ শত্রু হল নফসে আন্মারা। সুতরাং তাকে এই শত্রুর আওতা থেকে পরিত্রাণ লাভ করা একান্ত জরুরী এবং তা ভারী কঠিন। **চতুর্থত:** এই ব্যাধি থেকে বাঁচার জন্য আরেক উপায় হল হক্কানী রাব্বানী আলেমে দ্বীন ও পীর-মোর্শেদের সান্নিধ্যে গিয়ে তাযকিয়ায়ে নফস বা

^{১০৬৭}. ইমাম গাজ্জালী (র.), মিনহাযুল আবেদীন, বাংলা, পৃ. ২৩২

^{১০৬৮}. আব্দুল কাদের জিলানী (র.), গুনিয়াহ, উর্দু, পৃ. ৪৫৫

^{১০৬৯}. প্রাগুক্ত, পৃ. ৪৫৪

আত্মার পরিশুদ্ধি লাভ করা। নবী করিম ﷺ এরশাদ করেন- তোমরা এমন আলেমের মজলিসে বস যিনি পাঁচটি (ধ্বংসাত্মক) বস্তু থেকে নিষ্কৃতি দিয়ে পাঁচটি (কল্যাণকর) বস্তুর প্রতি উৎসাহিত করেন। যথা: ১. দুনিয়ার প্রেম থেকে বের করে তাকওয়া পরহেজগারীর প্রতি উৎসাহিত করে। ২. রিয়া থেকে মুক্ত করে ইখলাসের শিক্ষা দেয়। ৩. অহংকার থেকে নিষ্কৃতি দিয়ে নম্রতার শিক্ষা দেয়। ৪. অলসতা মুক্ত করে উপদেশ দেয়ার প্রতি উৎসাহিত করে এবং ৫. অজ্ঞতা থেকে মুক্ত করে জ্ঞানের প্রতি উৎসাহিত করে।^{১০৭০} **পঞ্চমত:** এই মারাত্মক ব্যাধি থেকে বাঁচার সর্বশেষ পন্থা হল মহান আল্লাহর দরবারে রিয়ামুক্ত হওয়ার জন্য সর্বদা দোয়া করা। আল্লাহর ইচ্ছা ছাড়া ভাল-মন্দ করা না করার কোন ক্ষমতা কারো নাই। রিয়া থেকে বাঁচার উপরোল্লিখিত উপায়গুলো অব্যাহত রাখার সাথে দোয়াও চালু রাখতে হবে। এ বিষয়ে অনেক দোয়া হাদিস শরীফ সহ বিভিন্ন দোয়াগ্রন্থে বর্ণিত আছে।

নবী করিম ﷺ নিজেও এভাবে দোয়া করতেন- **«اللَّهُمَّ طَهِّرْ قَلْبِي مِنَ التَّفَاقُ، وَعَمَلِي مِنَ الرِّيَاءِ، وَلِسَانِي مِنَ الْكِذْبِ، وَعَيْنِي مِنَ الْخِيَانَةِ، فَإِنَّكَ تَعْلَمُ خَائِنَةَ الْأَعْيُنِ، وَمَا تُخْفِي الصُّدُورُ»** হে আল্লাহ! আমার অন্তরকে নেফাক থেকে, আমার আমলকে রিয়া থেকে, আমার জিহবাকে মিথ্যা থেকে এবং আমার চোখকে খিয়ানত থেকে পবিত্র রাখ। চোখের খিয়ানত ও অন্তরের গোপন অবস্থা সম্পর্কে তুমি অবিহিত।^{১০৭১} মনে রাখতে হবে যে, রিয়া নামক এই ব্যাধিটি মূর্খদের চেয়ে আলেম, আবেদ, দানশীল, নেককার, পরহেজগার ব্যক্তির মধ্যে বেশী পরিলক্ষিত হয়। সুতরাং এই ব্যাধি থেকে মুক্তিলাভের জন্য প্রত্যেককে আল্লাহর সাহায্য প্রার্থনা করা, সর্বদা সচেতন ও সতর্ক থাকা একান্ত প্রয়োজন।

অহংকার

অহংকার, অহমিকা ও আত্মস্ত্রীতা। আর এগুলো হল ‘কিবর’ ও ‘তাকাব্বুর’। ইমাম গাজ্জালী (র.) বলেন, অহংকার অর্থ হচ্ছে মানুষ ভাল গুণে নিজেকে অন্যের থেকে শ্রেষ্ঠ মনে করা। আর যখনই কারো মনে এই ধারণা জন্মায় তখনই তার নফস ফুলে যায়। তারপর তার কথা-বার্তা, কাজ-কর্ম ও চাল-চলনে তা ফুটে উঠে। যেমন- চলার সময় আগে আগে চলা, মজলিসে উঁচু আসনে বসা, অন্যদেরকে তুচ্ছ দৃষ্টিতে দেখা, সালাম না দেয়া, কেউ তাকে সালাম না দিলে রাগ করা, কেউ সম্মান না করলে অসন্তুষ্ট হওয়া, উপদেশ দিলে নাক ছিটকানো, সত্যকে জেনেও অমান্য করা ও সর্বদা মানুষকে লাঞ্ছিত

^{১০৭০}. প্রাগুক্ত, পৃ. ৪৫১

^{১০৭১}. প্রাগুক্ত, পৃ. ৪৫১ ও আদ দাওয়াতুল কবীর

করা ইত্যাদি। অহংকার পতনের মূল। অহংকারীকে কেউ পছন্দ করেনা বরং ঘৃণা করে। এটা শয়তানের চরিত্র। পবিত্র কুরআনে বর্ণিত হয়েছে— **أَبَىٰ وَاسْتَكْبَرَ وَكَانَ مِنَ الْكَافِرِينَ** (শয়তান) অস্বীকার করল এবং অহমিকা দেখাল, ফলে সে কাফেরদের দলভুক্ত হল।^{১০৭২} সর্বপ্রথম অহংকারের কারণে শয়তানের হাজার বছরের ইবাদত নষ্ট হয়ে মূহূর্তের মধ্যে কাফিরে পরিণত হয়েছে।

অহংকারের কুফল

ইমাম গাজ্জালী (র.) বলেন— অহংকার দ্বারা মানুষের হাজারো প্রকার ক্ষতি হয়। তন্মধ্যে চারটি ক্ষতি তো আবশ্যিক। এক. অহংকারী সত্য লাভ হতে বঞ্চিত হয়। যেমন আল্লাহ তায়ালা বলেন— **وَمَا يَكْبُرُونَ فِي الْأَرْضِ بِغَيْرِ الْحَقِّ** আমি দুনিয়ার না-হক অহংকারীদেরকে আমার নিদর্শন থেকে বিমুখ রাখবো।^{১০৭৩} অহংকারীর অন্তরে আল্লাহ মোহরাক্ষিত করে দেন। ফলে আল্লাহর আহকামের মারেফাত লাভের ব্যাপারে অন্তরে কালো পর্দা পড়ে যায়। আল্লাহ বলেন— **كَذَٰلِكَ يَطُغُّ اللَّهُ عَلَىٰ كُلِّ قَلْبٍ** এভাবেই আল্লাহ অহংকারী ও দাস্তিকদের অন্তরকে মোহরযুক্ত করে দেন।^{১০৭৪}

দুই. অহংকারীগণ আল্লাহর আযাবের শিকার হয়। আল্লাহ বলেন— **إِنَّهُ لَا يُحِبُّ** নিঃসন্দেহে আল্লাহ অহংকারীদের পছন্দ করেন না।^{১০৭৫} বর্ণিত আছে— হযরত মুছা (আ.) আরয় করলেন, হে মাবুদ! আপনি দুনিয়ায় কোন লোকের প্রতি সর্বাপেক্ষা বেশী অসন্তুষ্ট? আল্লাহ পাক জবাব দিলেন— যার অন্তরে অহমিকা রয়েছে, যার কথায় দাস্তিকতা আছে।^{১০৭৬}

তিন. অহংকারীদের প্রাপ্তি দুনিয়া ও আখেরাতে লাঞ্ছনা ও কঠোর শাস্তি। বর্ণিত আছে যে, যে ব্যক্তি অন্যায় ভাবে গর্ব ও দম্ভ প্রকাশ করে আল্লাহ তাকে ন্যায়ভাবেই অপদস্থ করেন।^{১০৭৭} রাসূলে পাক ﷺ এরশাদ করেন— **«لَا يَزَالُ الرَّجُلُ يَذْهَبُ بِنَفْسِهِ حَتَّىٰ** মানুষ নিজেকে সর্বদা বড় ভাবতে থাকে। এভাবে সে একদিন আল্লাহর দরবারে দাস্তিক অহংকারীদের অন্তর্ভুক্ত হয়ে যায়।

^{১০৭২} সূরা বাকারা, আয়াত-৩৪

^{১০৭৩} সূরা আরাফ, আয়াত-১৪৬

^{১০৭৪} সূরা কাফির, আয়াত-৩৫

^{১০৭৫} সূরা নাহল, আয়াত-২৩

^{১০৭৬} ইমাম গাজ্জালী (র.), মিনহাযুল আবেদীন, বাংলা, পৃ. ১২০

^{১০৭৭} ইমাম গাজ্জালী (র.), মিনহাযুল আবেদীন, বাংলা, পৃ. ৩৪৪

তখন তার উপর ঐসকল আযাব-গযব নাযিল হতে থাকে যা পূর্বেকার দাস্তিকদের উপর নাযিল হয়েছিল।^{১০৭৮} রাসূলে পাক ﷺ এরশাদ করেন- «مَنْ عَظَّمَ فِي نَفْسِهِ، وَاخْتَالَ فِي»
 «لَقِيَ اللَّهَ وَهُوَ غَضَبَانٌ» যে ব্যক্তি অন্তরে নিজেকে বড় ভাবে, চালচলনে অহংকারী
 ভঙ্গী প্রদর্শন করে, যখন সে আল্লাহর দরবারে হাজির হবে তখন আল্লাহপাক তার প্রতি
 রাগান্বিত থাকবেন।^{১০৭৯}

চার. অহংকারী নিশ্চিত জাহান্নামী। আল্লাহ তায়ালা বলেন- إِنَّ الَّذِينَ يَسْتَكْبِرُونَ عَنْ
 عِبَادَتِي سَيَدْخُلُونَ جَهَنَّمَ دَاخِرِينَ যারা আমার ইবাদতে অহংকার করে অচিরেই তারা
 লাঞ্ছিত অপমানিত হয়ে জাহান্নামে প্রবেশ করবে।^{১০৮০} হাদিসে কুদসীতে আছে আল্লাহ
 الْكِبْرِيَاءُ رَدَائِي وَالْعِظْمَةُ اِزَارِي فَمَنْ نَازَعَنِي وَاحِدًا مِنْهُمَا الْقِيَتَهُ فِي جَهَنَّمَ وَلَا اِبَالِي
 অহংকার আমার চাদর, মহত্ব ও বড়ত্ব আমার পায়জামা। অতএব যে এতদুভয়ের কোন
 একটি নিয়ে যদি আমার সাথে টানাটানি করে তবে লা-পরওয়া (খোদা) আমি তাকে
 জাহান্নামে নিক্ষেপ করব।^{১০৮১} অন্য হাদিসে বর্ণিত আছে যে, مَنْ كَانَ فِي قَلْبِهِ مِثْقَالُ حَبَّةٍ
 مِنْ خَرْدَلٍ مِنْ كِبَرٍ, أَكْبَهُ اللَّهُ فِي النَّارِ عَلَى وَجْهِهِ যার অন্তরে সরিষার দানা পরিমাণও
 অহংকার থাকবে আল্লাহ তাকে উল্টামুখী জাহান্নামে নিক্ষেপ করবেন।^{১০৮২}

হাদিস শরীফে আরো বর্ণিত আছে- لَا يَدْخُلُ الْجَنَّةَ أَحَدٌ فِي قَلْبِهِ مِثْقَالُ حَبَّةٍ خَرْدَلٍ مِنْ
 كِبَرٍ যে ব্যক্তির অন্তরে সরিষা পরিমাণ অহংকার থাকবে সে বেহেশতে প্রবেশ করতে
 পারবেনা।^{১০৮৩} দুনিয়াতে যেহেতু অহংকারীরা মানুষকে তুচ্ছ-তাচ্ছিল্য করে, অপমানিত
 লাঞ্ছিত করে সেহেতু কিয়ামত দিবসে কোটি কোটি মানুষের সামনে আল্লাহ তাদেরকে
 লাঞ্ছিত ও হেয় প্রতিপন্ন করবেন। নবী করিম ﷺ এরশাদ করেন- «يُخْشَرُ الْمُتَكَبِّرُونَ»
 أَمْثَالُ الذَّرِّ يَوْمَ الْقِيَامَةِ فِي صُورِ الرَّجَالِ، يَغْشَاهُمُ الذَّلُّ مِنْ كُلِّ مَكَانٍ، يُسَاقُونَ إِلَى سِجْنٍ مِنْ
 جَهَنَّمَ يُسَمَّى يُولَسَ، تَعْلُوهُمْ نَارُ الْأَنْبَارِ يُسْقَوْنَ مِنْ غُصَّارَةِ أَهْلِ النَّارِ طِينَةَ الْخَبَالِ»
 কিয়ামতের দিন অহংকারীদেরকে ছোট পিপিলিকার ন্যায় একত্রিত করা হবে, কিন্তু আকৃতি হবে

^{১০৭৮}. ইমাম গাজ্জালী (র.), মুকাশিফাতুল কুলুব, বাংলা, পৃ. ৩৪৪

^{১০৭৯}. প্রাগুক্ত, পৃ.-৩৪৮

^{১০৮০}. সূরা আল মু'মিন, আয়াত-৬০

^{১০৮১}. মুসলিম শরীফ ও ইমাম গাজ্জালী (র.), মুকাশিফাতুল কুলুব, খণ্ড, ১ম, পৃ. ৩৪৩

^{১০৮২}. ইমাম গাজ্জালী (র.), মুকাশিফাতুল কুলুব, প্রথম খণ্ড, পৃ. ৩৪৩

^{১০৮৩}. মিশকাত শরীফ, পৃ. ৪৩৩

মানুষের। চারিদিক থেকে অপমান-লাঞ্ছনা তাদেরকে ঘিরে ধরবে। জাহান্নামের ‘বাওলাস’ নামক এক কারাগারের দিকে তাদেরকে হাঁকিয়ে নেয়া হবে। তাদের উপর আগুনের উপর আগুন হবে এবং তাদেরকে ‘জিন্মাতুল খাবাল’ নামক দোষখীদের দেহগলিত পঁচা রক্ত ও পুঁজ পান করানো হবে।^{১০৮৪}

অহংকারের কারণ

ইমাম গাজ্জালী (র.) বলেন, মানুষ সাধারণত সাতটি গুণাবলি নিয়ে অহংকার করে। তন্মধ্যে দু’টি দ্বীনি। যথা: ১. ইলমের ২. ইবাদত ও আমলের। আর বাকীগুলো দুনিয়াবী। তা হল- ৩. বংশের ৪. সুন্দরের ৫. সম্পর্কের ৬. শক্তি-সামর্থ্যের ও ৭. অনুসারী ও সাহায্যকারীদের।^{১০৮৫}

অহংকার প্রতিকারের উপায়

নিজেকে বড় মনে করা ও বড় বলে প্রকাশ করা থেকে অহংকার সৃষ্টি হয়। আর এই মারাত্মক রোগটি পাওয়া যায় সৎগুণসম্পন্ন ব্যক্তিদের মধ্যে। পক্ষান্তরে নিজেদেরকে ছোট ও নগণ্য মনে করা এবং নিজের সৎগুণাবলী গোপন রাখার মাধ্যমে বিনয়ের সৃষ্টি হয়। সুতরাং প্রথমে তাকে বিনয়ী হতে হবে। নিজের চেয়ে অপরকে প্রাধান্য দিতে হবে। অন্যের ভাল কাজের প্রশংসায় পঞ্চমুখ হতে হবে। বুঝতে হবে যে, যেসব গুণাবলি নিয়ে সে অহংকার করছে তা তার নিজস্ব নয় বরং খোদা প্রদত্ত এবং চিরস্থায়ী নয় ক্ষণস্থায়ী। নফসের চাহিদার বিপরীত করতে হবে। একদিন হযরত আব্দুল্লাহ ইবনে সালাম (রা.) মাথায় লাকড়ির বোঝা নিয়ে লোক সম্মুখে বাজারে গমন করেন। লোকেরা জিজ্ঞাসা করলো আব্দুল্লাহ আপনাকে উচ্চতর মর্যাদা দান করেছেন তা সত্ত্বেও আপনি কেন এই কষ্ট করছেন। উত্তরে তিনি বলেন, **اردت ان ادفع كبر عن نفسي** নফস হতে অহংকার দূর করার চেষ্টা করছি।^{১০৮৬}

নিজেকে এবং আব্দুল্লাহকে চিনতে হবে। স্মরণ রাখতে হবে যে, তার উৎপত্তি এক ফোঁটা নাপাক তরল বীর্য থেকে এবং সমাপ্তি দুর্গন্ধময় গলিত লাশ দ্বারা। কুরআন-হাদিসে দুনিয়া-আখেরাতে অহংকারের ভয়াবহ পরিণতি সম্পর্কে যা বর্ণিত হয়েছে তা পড়তে হবে, শুনতে হবে। প্রয়োজনে হক্কানী-রব্বানী আলেম ও পীর মাশায়েখের সান্নিধ্যে গিয়ে চরিত্র সংশোধন করার মাধ্যমে অহংকারের প্রতিকার সম্ভব। বস্তুতঃ অহংকার নিতান্ত নিম্নপর্যায়ের লোকেরাই করে থাকে। বিনয় ও নম্র স্বভাব তারাই অবলম্বন করে যারা অভিজাত ও উচ্চ পর্যায়ের।^{১০৮৭}

^{১০৮৪}. মিশকাত, পৃ. ৪৩৩

^{১০৮৫}. ইমাম গাজ্জালী (র.), তাশকীলে কিরদার, উর্দু, পৃ. ২০৮

^{১০৮৬}. ইমাম গাজ্জালী (র.), মুকাশিফাতুল কুলুব, বাংলা, পৃ. ১২

^{১০৮৭}. ইমাম গাজ্জালী (র.), মুকাশিফাতুল কুলুব, বাংলা, পৃ. ১২৮

অহংকার শয়তানী চরিত্র। কুফরী কাজ, মূর্খ ও নির্বোধের স্বভাব এবং খোদার অভিশাপ। অতএব কোন জ্ঞানী, বিবেকবান ও ভদ্রলোকের পক্ষে কোন অবস্থাতেই অহংকার করা শোভা পায়না। জৈনিক তত্ত্বজ্ঞানী কবির উপদেশ হচ্ছে— দম্ভ অহংকার কেবল আহমক যারা তারাই করতে পারে। তুমি যদি জানতে অহংকারের মধ্যে কি ধ্বংসাত্মক বিষ লুক্কায়িত রয়েছে, তবে তুমি কখনো অহংকার করতে না। বস্তুত অহংকার যেমন মানুষের দ্বীন-ধর্মকে ধ্বংস করে দেয়, তেমনি বুদ্ধি-বিবেক ও মান-সম্মান বিনাশ করে দেয়। তাকওয়া, বিনয়ী, নম্রতা ও আল্লাহর কাছে অহংকার থেকে মুক্তি কামনার মাধ্যমে অন্তরকে এ কুস্বভাব থেকে মুক্ত রাখা একান্ত প্রয়োজন।

উজব

‘উজব’ শব্দের অর্থ হল আত্মপ্রশংসা বা আত্মগর্ব। এটা অহংকারের প্রাথমিক স্তর। ইমাম গাজ্জালী (র.) বলেন— অন্যের দিকে লক্ষ্য না করে নিজেকে মহতি গুণের অধিকারী বলে ধারণা করাকে ‘উজব’ বলা হয়।^{১০৮৮} তিনি আরো বলেন— উজব বা আত্মস্তুতির প্রকৃত পরিচয় হল ইবাদত করে নিজের ব্যাপারে আত্মগৌরববোধ করা। ওলামায়ে কেরাম আত্মগৌরবের পরিচয় দিতে গিয়ে বলেছেন যে, আল্লাহ ব্যতীত কোন জিনিস কোন সৃষ্টি অথবা কোন নফসের সাথে জাত্যাভিমান ও বুয়ুগী জাহির করাকে আত্মগৌরব বলা হয়।^{১০৮৯} মোটকথা নিজের মধ্যে কোন গুণ সৌন্দর্য ও মহত্ব দেখে গর্বিত হওয়া এবং আল্লাহর উপর ভরসা-হাস পাওয়াকেই ‘উজব’ বা আত্মগৌরব বলা হয়। অহংকারের মত এটাও মানুষের আমল বরবাদ করে দেয় এবং আল্লাহর রহমত থেকে বঞ্চিত রাখে। হুনাইনের যুদ্ধে মুসলমানরা প্রথমে নিজেদের সংখ্যাধিক্যে বেশ আত্মপ্রসাদ লাভ করেছিল। ফলে আল্লাহর সাহায্য থেকে বঞ্চিত হয়ে সাময়িক পরাজয় বরণ করতে হয়েছিল। আল্লাহ বলেন— وَيَوْمَ حُنَيْنٍ إِذْ أَعْجَبْتَكُمْ كُفِّرْتُكُمْ فَلَمْ تُغْنِ عَنْكُمْ شَيْئًا وَصَافَتْ هُونَاইনের দিনে যখন তোমাদের সংখ্যাধিক্য তোমাদের প্রফুল্ল করেছিল, কিন্তু তা তোমাদের কোন কাজে আসেনি এবং পৃথিবী প্রশস্ত হওয়া সত্ত্বেও তোমাদের জন্যে সংকুচিত হয়েছিল। অতঃপর পৃষ্ঠপ্রদর্শন করে পলায়ন করেছিলে।^{১০৯০} নবী করিম ﷺ এরশাদ করেন— ثَلَاثٌ مُهْلِكَاتٌ: شُحٌّ مَطَاعٌ، وَهَوًى مُتَّبَعٌ، তিনটি ব্যাধি মানুষকে ধ্বংস করে দেয়— কৃপণতা, নফসের অনুসরণ

^{১০৮৮} . প্রাগুক্ত, পৃ. ২২৬

^{১০৮৯} . ইমাম গাজ্জালী (র.), মিনহাযুল আবেদীন, পৃ. ২৪০

^{১০৯০} . সূরা তাওবা, আয়াত-২৬

ও আত্মপ্রশংসা।^{১০৯১} হযরত আব্দুল্লাহ ইবনে মাসউদ (রা.) বলেন- الملاك في اثنين القنوط و দু'টি বস্তুতে ধ্বংস অনিবার্য- নৈরাশ ও আত্মগৌরব।^{১০৯২}

আত্মস্তরিতা থেকে বাঁচার উপায়

আগেই বলা হয়েছে আত্মস্তরিতা এক প্রকারের অহংকার বা অহংকারের প্রাথমিক স্তর। আত্মস্তরিতা মনোভাব আল্লাহর সাহায্য ও অনুগ্রহ থেকে বঞ্চিত করে। মানুষ যখন আল্লাহর সাহায্য থেকে বঞ্চিত হয়ে যায়, তখন অতিশ্রদ্ধাই তার ধ্বংস আসন্ন হয়ে পড়ে। হযরত ঈসা (আ.) তাঁর সহচরগণকে লক্ষ্য করে বলেছিলেন যে, বায়ু বহু প্রদীপকে নিভিয়ে দিয়েছে আর আত্মস্তরিতা বহু আবেদেরই সর্বনাশ করেছে। সুতরাং এই মারাত্মক ব্যাধি থেকে বেঁচে থাকা প্রয়োজন। আর তা থেকে বাঁচার উপায় হল- সর্বদা বিনয়ী হওয়া, নিজের সবগুণ, সৌন্দর্য ও মহত্বকে খোদাপ্রদত্ত মনে করে তাঁর কৃতজ্ঞতা প্রকাশ করা। যা কিছু অর্জন করেছে সবকিছু আল্লাহর তাওফীকের মাধ্যমে হয়েছে নিজের যোগ্যতা বলে নয়- এই ধারণা পোষণ করা। নিজের সৎগুণাবলিকে তুচ্ছ মনে করে আরো বেশী সৎগুণাবলি অর্জনের জন্য আল্লাহর নিকট প্রার্থনা এবং আল্লাহর পক্ষ থেকে প্রতিদানের বিশ্বাস রাখা। সর্বোপরি আল্লাহর অগণিত ও অমূল্য নিয়ামতের কথা স্মরণ করে তার কৃতজ্ঞতা প্রকাশ করার মাধ্যমেই আত্মস্তরিতা থেকে মুক্তি পাওয়া সম্ভব।

রাগ

রাগের আরবী শব্দ হল الغضب। এর বিপরীত শব্দ হল الحلم অর্থাৎ ধৈর্য ও শান্ত শিষ্ট। রাগ মানুষের মনুষ্যত্ব বিধ্বংসী একটি কুরিপু। ইমাম বায়জাজী (র.)এর সংজ্ঞায় বলেন- الغضب ثودان النفس عند اراد প্রতিশোধ নেওয়ার দৃঢ় সংকল্পের সময় অন্তরে জিঘাংসার যে উদ্বেক হয় উহাকে রাগ বলা হয়। রাগের সময় মানুষের পশুসুলভ আত্মা সক্রিয় হয়, চেহারা বিবর্ণ হয়ে যায় এর প্রভাবে দেহের শিরা-উপশিরা ফুলে উঠে। এসময় মানুষের হিতাহিত জ্ঞান থাকেনা। প্রতিপক্ষের প্রতিশোধ নেওয়ার জন্য উন্মুক্ত হয়ে উঠে। এই রাগের বশবর্তী হয়ে কারো উপর যদি অন্যায়-অবৈধভাবে প্রতিশোধ নেওয়া হয় তাহলে তা অবশ্যই জঘন্য ও গর্হিত কাজ হিসেবে বিবেচিত হবে। তবে এই রাগ যদি অন্যায়ের বিরুদ্ধে সত্য প্রতিষ্ঠার জন্য হয় তাহলে তা প্রশংসনীয়। যেমন হযরত ওমর (রা.)'র রাগ।

^{১০৯১}. বায়হাকী ও মুকাশিফাতুল কুলুব, বাংলা, খণ্ড-২, পৃ. ১২৮

^{১০৯২}. ইমাম গাজ্জালী (র.), তাশকীলে কিরদার, উর্দু, পৃ. ২২৯

রাগ শয়তানের পক্ষ হতে আসে

রাগ আসলে মানুষের চেহারা বিকৃতি হয়ে চোখ লাল হয়ে যায়, গলার রং ফুলে যায়, শরীর গরম হয়ে কপাল দিয়ে ঘাম বের হয়। এসব লক্ষণ আগুনের প্রভাবে হয়ে থাকে। আর শয়তান আগুনের তৈরি বিধায় রাগ শয়তানী চরিত্র এবং শয়তানের পক্ষ হতে আসে। নবী করিম ﷺ এরশাদ করেন, إِنَّ الْغَضَبَ مِنَ الشَّيْطَانِ، وَإِنَّ الشَّيْطَانَ خُلِقَ مِنَ النَّارِ রাগ শয়তানের পক্ষ হতে আসে এবং শয়তানকে আগুন দ্বারা সৃষ্টি করা হয়েছে।^{১০৯৩}

রাগ ধ্বংসের কারণ

রাগ এমন ধ্বংসাত্মক বস্তু যা দেহীতে এসে দ্রুত চলে যাওয়া ভাল। রাগ আসলে মানুষের বিবেক বুদ্ধি লোপ পায়। ফলে তার দ্বারা যে কোন অঘটন ঘটতে পারে, শরীয়ত বিরুদ্ধ সর্বপ্রকার নিন্দনীয় কাজ করতে পারে। এজন্যেই নবী করিম ﷺ রাগ করতে নিষেধ করেছেন এবং রাগ সংবরণ করতে নির্দেশ দিয়েছেন। হাদিস শরীফে বর্ণিত আছে- عَنْ أَبِي هُرَيْرَةَ رَضِيَ اللَّهُ عَنْهُ، أَنَّ رَجُلًا قَالَ لِلنَّبِيِّ صَلَّى اللَّهُ عَلَيْهِ وَسَلَّمَ: أَوْصِنِي، قَالَ: «لَا تَغْضَبُ» এক ব্যক্তি নবী করিম ﷺ এর নিকট আরয় করল- আমাকে কিছু উপদেশ দিন। তিনি বললেন- তুমি রাগ করবেনা। লোকটি বারংবার একই প্রশ্ন করলে রাসূল ﷺ প্রত্যেকবারই বললেন- তুমি রাগ করবেনা।^{১০৯৪} রাগ সংবরণ ও ক্ষমা আল্লাহর পছন্দনীয় কাজ। আল্লাহ তায়ালা এগুলোর প্রশংসা করে বলেন- وَالْكَاطِمِينَ الْغَيْظَ وَالْعَافِينَ عَنِ النَّاسِ وَاللَّهُ يُحِبُّ الْمُحْسِنِينَ যারা নিজের রাগকে সংবরণ করে আর মানুষের প্রতি ক্ষমা প্রদর্শন করে, বস্তুতঃ আল্লাহ সৎকর্মশীলদেরকে ভালবাসেন।^{১০৯৫} উক্ত আয়াতের তাফসীরে মুফতি আহমদ ইয়ার খান নঈমী (র.) তাফসীরে রুহুল মায়ানীর উদ্ধৃতি দিয়ে বর্ণনা করেন, বায়হাকী শরীফে বর্ণিত আছে, ইমাম জয়নুল আবেদীন (র.)'র দাসী তাঁকে উষ্ম করানোর জন্য পানিভর্তি পাত্র (বদনা) নিয়ে আসছে। ভুলক্রমে বদনা ইমামের শরীরে পড়লে তিনি আহত হন। তিনি (রাগে) তার দিকে চোখ তুলে তাকালে সে কুরআনের আয়াতাংশ পাঠ করল- وَالْكَاطِمِينَ الْغَيْظَ মুত্তাকীর আলামত হল রাগ হজম করা। তিনি বললেন- আমি রাগ হজম করেছি। সে বলল- وَالْعَافِينَ عَنِ النَّاسِ মুত্তাকীর আলামত হল মানুষকে ক্ষমা করা, তিনি বললেন-

^{১০৯৩}. মিশকাত, পৃষ্ঠা-৪৩৪

^{১০৯৪}. মিশকাত, পৃষ্ঠা-৪৩৩ (বুখারী, ৮ম খণ্ড, পৃষ্ঠা-২৮, মাকতাবায়ে শামেলা)

^{১০৯৫}. সূরা আলে ইমরান, আয়াত-১৩৪

আমি তোমাকে ক্ষমা করেছি আল্লাহ তোমাকে ক্ষমা করুন। সে আবার বলল- وَاللَّهُ يُحِبُّ الْمُحْسِنِينَ আল্লাহ এহসানকারীকে ভালবাসেন। তিনি বলেন যাও, তুমি আল্লাহর ওয়াস্তে আযাদ। এই ধরনের একটি ঘটনা ইমাম হাসান (রা.) সম্পর্কেও বর্ণিত আছে।^{১০৯৬} নবী করীম ﷺ এরশাদ করেন: مَا تَجَرَّعَ عَبْدٌ جَرْعَةً أَفْضَلَ عِنْدَ اللَّهِ عَزَّ وَجَلَّ مِنْ جَرْعَةٍ غَيْظٍ, আল্লাহর দৃষ্টিতে কোন বান্দাহ রাগের ঢোকের চেয়ে উত্তম ঢোক গিলে না যা সেই আল্লাহর সন্তুষ্টির জন্য গিলে।^{১০৯৭} অর্থাৎ আল্লাহর কাছে রাগ হজম করাই হল উত্তম কাজ। রাসূল ﷺ এরশাদ করেন- «مَنْ كَفَّ غَضَبَهُ كَفَّ اللَّهُ عَزَّ وَجَلَّ عَنْهُ عَذَابُهُ» যে নিজের রাগ সংবরণ করে আল্লাহ তার থেকে স্বীয় আযাব প্রতিহত করবেন।^{১০৯৮}

ক্রোধ বড় শত্রু

হাদিস শরীফে রাসূল ﷺ ক্রোধকে সবচেয়ে শক্তিশালী ও বিপদজনক শত্রু হিসেবে চিহ্নিত করেছেন। ক্রোধ ষড়রিপুর অন্যতম। সুস্থ বিবেক মানুষকে কল্যাণের দিকে চালিত করে। পক্ষান্তরে রিপুগুলি বিবেক কর্তৃক বাধাপ্রাপ্ত না হলে মানব প্রকৃতির উপর প্রভাব বিস্তার করে অকল্যাণের দিকে পরিচালিত করে। তন্মধ্যে ক্রোধ সবচেয়ে বড় শত্রু। পৃথিবীর আদি হতেই সকল ধ্বংস ও পতনের মূল কারণ হল ক্রোধ। মূলত ক্রোধ রিপুর বিরুদ্ধে যুদ্ধ করে জয়লাভ করা বড়ই কঠিন ও কষ্টসাধ্য কাজ। যেসব দৈহিক বীর তার প্রতিদ্বন্দ্বী বীরকে শক্তিতে বা রণকৌশলে অতি সহজেই পরাজিত করেছে তাদের চেয়ে শতগুণ শক্তিশালী ঐসব বীরগণ যারা ক্রোধ নামক রিপুর বিরুদ্ধে যুদ্ধ করে পরাজিত করে সুস্থ বিবেককে বিজয়ী করতে সক্ষম হয়েছে। কারণ একজন দৈহিক বীরের শত্রুতামূলক অনিষ্টকারীতার তুলনায় ক্রোধ শত্রুর অনিষ্টকারিতা শত-সহস্রগুণ বেশী হতে পারে। তাই রাসূল ﷺ এরশাদ করেন- «لَيْسَ الشَّدِيدُ بِالصُّرْعَةِ. إِنَّمَا الشَّدِيدُ الَّذِي يَمْلِكُ» ঐব্যক্তি শক্তিশালী নহে যে মানুষকে আছাড় দেয় বরং ঐ ব্যক্তি শক্তিশালী বীর যে রাগের সময় নিজেকে সংবরণ করতে সক্ষম।^{১০৯৯} হাদিসে বর্ণিত আছে- اشدكم من غلب نفسه عند الغضب واحلمكم من عفا عند القدرة

^{১০৯৬} মুফতি আহমদ ইয়ার খান নঈমী, তফসীরে নঈমী, ৪র্থ খণ্ড, পৃষ্ঠা-২০৫

^{১০৯৭} আহমদ ইবনে হাম্বল (র), সূত্র: মিশকাত, পৃ. ৪৩৪

^{১০৯৮} ইমাম গাজ্জালী (র.), তাশকীলে কিরদার, উর্দু, পৃ. ১১৬

^{১০৯৯} বুখারী, মুসলিম, সূত্র: মিশকাত, পৃষ্ঠা-৪৩৩

সুদৃঢ় ঐ ব্যক্তি যে রাগের সময় নফসের উপর প্রাধান্য লাভ করে অর্থাৎ রাগকে নিয়ন্ত্রণ করতে সক্ষম হয়, আর তোমাদের বড় ধৈর্যশীল ব্যক্তি হল যে প্রতিশোধ নেওয়ার শক্তি-সামর্থ্য থাকা সত্ত্বেও ক্ষমা করে দেয়।^{১১০০}

রাগ ঈমানের পরিপূর্ণতার অন্তরায়

রাগ শয়তানী স্বভাব, পক্ষান্তরে ঈমান খোদায়ী দান। একটি অপরটির বিপরীত। সুতরাং দুই বিপরীত বস্তু একত্রে অবস্থান করতে পারেনা। রাসূল ﷺ এরশাদ করেন—
 إِنَّ الْغَضَبَ يُفْسِدُ الْإِيمَانَ كَمَا يُفْسِدُ الصَّبْرُ الْعَسَلَ ۖ রাগ ঈমানকে বিনষ্ট করে দেয় যেমন সাবির (গাছের তিজ রস) মধুকে বিনষ্ট করে দেয়।^{১১০১}

রাগ দমনের উপায়

কোন বস্তুর বিপরীত বস্তু হল উহার প্রতিষেধক। রাগ মানুষের শরীরে উত্তাপ সৃষ্টি করে। উত্তপ্ততা আগুনের বহিঃপ্রকাশ। আর আগুন পানি দ্বারা নির্বাপিত হয়। তাই রাগ আসলে পানি দ্বারা উষ্ম করার নির্দেশ দিয়েছেন রাসূল ﷺ।

হাদিসে আছে—فَإِذَا غَضِبَ أَحَدُكُمْ فَلْيَتَوَضَّأْ যখন তোমাদের মধ্যে কারো যখন রাগ আসে তবে সে যেন উষ্ম করে।^{১১০২} অন্যত্র রাসূল ﷺ এরশাদ করেন—إِذَا غَضِبَ أَحَدُكُمْ وَهُوَ قَائِمٌ فَلْيَجْلِسْ، فَإِنْ ذَهَبَ عَنْهُ الْغَضَبُ وَإِلَّا فَلْيَضْطَجِعْ তোমাদের কারো যখন রাগ আসে সে যদি দাঁড়ানো অবস্থায় থাকে তবে যেন বসে পড়ে। এতে যদি রাগ চলে যায় তবে উত্তম নতুবা সে যেন চিৎ হয়ে শুয়ে পড়ে।^{১১০৩} অভিজ্ঞ বুয়ুর্গানেদ্বীনগণ বলেছেন— রাগের সময় «أَعُوذُ بِاللَّهِ مِنَ الشَّيْطَانِ الرَّجِيمِ» পড়লেও রাগ চলে যায়। অতএব রাসূল ﷺ এর বাণী মোতাবেক আমলের মাধ্যমে ঈমান-আমল বিধ্বংসী রাগ বা ক্রোধ নামক মারাত্মক অন্তরব্যাদি থেকে মুক্তিলাভ সম্ভব।

জিহ্বার হেফাজত

মানুষের যেসব অঙ্গ-প্রত্যঙ্গ যথা হাত, পা, চোখ, কান, ও জিহ্বা ইত্যাদি দ্বারা পাপ সংঘটিত হয় তন্মধ্যে জিহ্বা হল প্রধান। মানুষের অধিকাংশ নিত্য-নৈমন্তিক গুনাহ যেমন- অভিশাপ, অশ্লীলতা, গালি-গালাজ, মিথ্যা, গীবত, চোগলখোরী ইত্যাদি কবীরাহ গুনাহ সমূহ জিহ্বা দ্বারা সংঘটিত হয়। সুতরাং প্রথমে জিহ্বার হেফাজত তথা রসনা সম্পর্কে

^{১১০০} ইমাম গাজ্জালী (র.), তাশকীলে কিরদার, উর্দু, পৃ. ১১৬

^{১১০১} ইমাম বায়হাকী (র.), শুয়াবুল ঈমান, সূত্র: মিশকাত, পৃষ্ঠা-৪৩৪

^{১১০২} ইমাম আবু দাউদ (র.), আবু দাউদ শরীফ, সূত্র: মিশকাত, পৃষ্ঠা-৪৩৪

^{১১০৩} ইমাম আহমদ ও তিরমিযী (র.) মুসনাদ ও তিরমিযী, সূত্র: মিশকাত, পৃষ্ঠা-৪৩৪

আলোচনা করব। জিহ্বা ছোট একটি মাংসপিণ্ড হলেও এটি হৃদয়ের দরজা। এটি হৃদয়ের সংবাদ সরবরাহ করে। এর ক্ষমতা প্রবল, পরাক্রমশালী নরপতি হতেও বেশী। এটি মানুষকে ধ্বংসের অতলেও ডুবাতে পারে। আবার সাফল্যের শীর্ষেও সমাসীন করতে পারে। এজন্য জিহ্বাকে সংযত রাখা একান্ত প্রয়োজন। জিহ্বা হল অন্তরের মুখপাত্র ও প্রতিনিধি। আর বাহ্যিক অঙ্গ-প্রত্যঙ্গসমূহ জিহ্বার নিকট দায়বদ্ধ। রাসূল ﷺ এরশাদ করেন- **إِذَا أَصْبَحَ ابْنُ آدَمَ فَإِنَّ الْأَعْضَاءَ كُلَّهَا تُكْفِّرُ اللِّسَانَ فَنَقُولُ: اتَّقِ اللَّهَ فِينَا فَإِنَّمَا نَحْنُ بِكَ،** - মানুষ যখন সকালে ঘুম হতে উঠে, তার প্রত্যেক অঙ্গ-প্রত্যঙ্গ জিহ্বার কাছে অনুনয় বিনয়ের সাথে আরয করে বলে, তুমি আমাদের ব্যাপারে আল্লাহকে ভয় কর। অর্থাৎ অন্যায় কাজে লিপ্ত হয়েনা। কেননা আমরা তোমার সাথে জড়িত। তুমি ঠিক থাকলে আমরাও ঠিক থাকব। অর্থাৎ তুমি সঠিক পথে পরিচালিত হলে আমরাও সঠিক পথে পরিচালিত হবো। আর তুমি বাঁকা পথে চললে আমরাও বাঁকা পথে চলতে বাধ্য হবো। ফলে বিপদগ্রস্থ হবো আর আল্লাহর আযাবের শিকার হবো।

জিহ্বা সংযত করা মুক্তির উপায়

অজ্ঞ ও নির্বোধরা জিহ্বার অধিনস্থ হয়ে জিহ্বার দাসে পরিণত হয়। জিহ্বাকে আয়ত্তে আনতে না পারলে মানুষকে পদে পদে বিপদগ্রস্থ হতে হয়। আল্লাহ ও বান্দার ক্রোধের শিকার হতে হয়। হযরত উকবা ইবনে আমের (রা.) হতে হাদিস বর্ণিত আছে- **لَقِيتُ رَسُولَ اللَّهِ صَلَّى اللَّهُ عَلَيْهِ وَسَلَّمَ يَوْمًا فَقُلْتُ: مَا النَّجَاةُ؟ فَقَالَ: أَمْلِكُ عَلَيْكَ** - তিনি বলেন- একদিন আমি রাসূল ﷺ এর সাথে সাক্ষাত করলাম এবং আরয করলাম ইয়া রাসূল্লাহ! সর্বক্ষেত্রে মুক্তির উপায় কি? উত্তরে রাসূল ﷺ বললেন, তুমি তোমার জিহ্বাকে আয়ত্তে রাখ।^{১১০৪} অর্থাৎ কথা বলার ক্ষেত্রে সতর্কতা অবলম্বন করতে হবে। কোন কথাকে ছোট, তুচ্ছ ও নগন্য মনে করা উচিত নয়। কারণ অনেক সময় মানুষের তুচ্ছ কথাও আল্লাহর অসন্তুষ্টির কারণ হয়ে জাহান্নামী হতে হয়। নবী করিম ﷺ এরশাদ করেন- **إِنَّ الْعَبْدَ لَيَتَكَلَّمُ بِالْكَلِمَةِ مِنْ سَخَطِ اللَّهِ عَزَّ وَجَلَّ، لَا يُلْقِي لَهَا بَالًا يَهْوِي بِهَا فِي جَهَنَّمَ** - বান্দাহ কোন কোন সময় এমন কথা বলে যাতে আল্লাহ তায়ালা অসন্তুষ্ট হন। একথা তাকে জাহান্নামে নিক্ষেপ করে অথচ সে এ বিষয়ে ওয়াকিফহাল নয়।^{১১০৫} অপর এক হাদিসে বর্ণিত হয়েছে নবী করিম ﷺ বলেন, **«أَتَذَرُونَ مَا أَكْثَرُ مَا يَدْخُلُ النَّاسَ النَّارَ؟»**

^{১১০৪}. ইমাম তিরমিযী, তিরমিযী শরীফ, সূত্র: মিশকাত, পৃ. ৪১৩

^{১১০৫}. বুখারী, সূত্র: মিশকাত, পৃ. ৪১১

جُ وَالْفَرْجُ তোমরা কি জান কোন জিনিস মানুষকে সবচেয়ে বেশী জাহান্নামে প্রবেশ করাবে? তা হল দু'টি গহ্বর— একটি মুখ অপরটি লজ্জাস্থান।^{১১০৬} হাদিস শরীফে আরো বর্ণিত হয়েছে যে, عَنْ لِسَانِهِ أَشَدُّ مِمَّا يَزِلُّ عَنْ قَدَمَيْهِ, বান্দাহর পা পিছলানোর চেয়ে মুখ পিছলানো মারাত্মক ক্ষতিকর।^{১১০৭} কারণ পা পিছলিয়ে পড়লে হয়তবা শারীরিক ক্ষতি হবে, কিন্তু মুখ পিছলিয়ে গেলে ঈমান ও আমলের তথা দ্বীনি ক্ষতি হবে, যা শারীরিক ক্ষতির চেয়ে সহস্র গুণ ভয়ানক।

জিহ্বাই সবচেয়ে ভয়ংকর ও সর্বনাশের মূল

পাপ-পুণ্য ও ঈমান-কুফর চূড়ান্তভাবে প্রমাণিত হয় জিহ্বা দ্বারা। খুব সাবধানতার সহিত জিহ্বাকে ব্যবহার করতে হবে। এ প্রসঙ্গে হযরত সুফিয়ান ইবনে আব্দুল্লাহ (রা.) বলেন— আমি একদিন রাসূল ﷺ কে জিজ্ঞাসা করলাম— يَا رَسُولَ اللَّهِ، مَا أَخَوْفُ مَا تَخَافُ? قَالَ: فَأَخَذَ بِلِسَانِ نَفْسِهِ، ثُمَّ قَالَ: " هَذَا " আমার জন্য ভয়ের বস্তু বলে মনে করেন; তন্মধ্যে অধিক ভয়ংকর কোন জিনিসটি? সুফিয়ান বলেন, এটা শুনে রাসূল ﷺ নিজের জিহ্বা ধরে বললেন— এটা।^{১১০৮} একদিন হযরত ওমর (রা.) হযরত আবু বকর (রা.)'র নিকট গিয়ে দেখলেন তিনি তাঁর জিহ্বা ধরে টানছেন। অর্থাৎ জিহ্বার উপর নিজের ক্রোধ প্রকাশ করে শাস্তির উদ্দেশ্যে এরূপ করেছেন। এটা দেখে হযরত ওমর (রা.) বাঁধা প্রদানের উদ্দেশ্যে বললেন— থামুন! আপনার কি হয়েছে? কেন এমন করছেন? আব্দুল্লাহ আপনাকে ক্ষমা করুন। তখন আবু বকর (রা.) বলেন, এ জিহ্বাই আমার যতসব সর্বনাশের মূল। এটাই আমাকে ধ্বংসের স্থানসমূহে অবতীর্ণ করেছে।^{১১০৯} অতএব সর্বদা প্রত্যেক মানুষকে জিহ্বা সম্পর্কে সতর্ক ও সাবধান থাকতে হবে। একে ভাল কাজে ব্যবহার করে মন্দ কাজ থেকে বিরত রেখে এর ধ্বংসাত্মক অনিষ্ট থেকে বেঁচে থাকতে হবে।

অভিশাপ ও অশ্লীলতা

অভিশাপ ও অশ্লীলতা মুখ দিয়ে প্রকাশ হয় এগুলো রাগের মন্দ প্রতিফল। এ দু'টি আচরণ মানুষের মর্যাদা ক্ষুণ্ণ করে, গ্রহণযোগ্যতা নষ্ট করে দেয়, সমাজকে কলুষিত করে শাস্তি বিনষ্ট করে। এগুলো অভদ্রজনিত অসুন্দর আচরণ। পক্ষান্তরে মু'মিন বলতেই ভদ্র, শাস্ত ও সুন্দর আচরণকারীকে বুঝায়। সুতরাং কোন মু'মিনের পক্ষে এ ধরনের আচরণ

^{১১০৬}. মুসলিম, সূত্র: মিশকাত, পৃ. ৪১২

^{১১০৭}. বায়হাকী, সূত্র: মিশকাত, পৃ. ৪১৩

^{১১০৮}. তিরমিযী, সূত্র: মিশকাত, পৃ. ৪১৩

^{১১০৯}. ইমাম মালেক (র.) সূত্র: মিশকাত, পৃ. ৪১৫

মোটাই শোভা পায়না। তাই হাদিস শরীফে নবী করিম ﷺ এরশাদ করেন- «لَا يَنْبَغِي»^{১১১০} সিদ্দীক তথা মু'মিনের পক্ষে অধিক অভিসম্পাতকারী হওয়া উচিত নয়।^{১১১১} অন্য এক বর্ণনায় আছে لَعَلَّأ لَا يَكُونُ الْمُؤْمِنُ لَعَلَّأ একজন মু'মিন অধিক অভিসম্পাতকারী হতে পারে না।^{১১১২} উম্মতে মুহাম্মদীর একটি বিশেষ মর্যাদা হল তারা কিয়ামত দিবসে পূর্ববর্তী নবীদের পক্ষে সাক্ষ্য দান করবে যে, নবীগণ স্ব-স্ব কওমের লোকদের কাছে তাবলীগী দায়িত্ব যথাযথভাবে পালন করেছেন এবং অনেক সৎকর্মশীলদের সুপারিশে বহু জাহান্নামীকেও জান্নাত দেয়া হবে। কিন্তু যারা দুনিয়াতে লোকদের প্রতি অহেতুক, অবান্তর ও কথায় কথায় অভিশাপ দেয় কিয়ামতের দিন তাদের সাক্ষ্য ও সুপারিশ প্রত্যাখ্যান করা হবে। রাসূল ﷺ এরশাদ করেন- «إِنَّ اللَّعَّانِينَ لَا يَكُونُونَ شُهَدَاءَ، وَلَا شُفَعَاءَ يَوْمَ الْقِيَامَةِ»^{১১১৩} নিশ্চয় অধিক অভিসম্পাতকারী কিয়ামতের দিন সাক্ষ্যদাতা ও সুপারিশকারী হবে না।^{১১১৪}

হাদিস শরীফে বর্ণিত আছে যে, হযরত আয়েশা সিদ্দিকা (রা.) বলেন- একদিন হযরত আবু বকর (রা.) তাঁর এক দাসকে ভর্ৎসনা করছিলেন। এ সময় নবী করিম ﷺ তাঁর পাশ দিয়ে গমন করছিলেন। রাসূল ﷺ (শুনে) তাঁকে উদ্দেশ্য করে বললেন, কা'বার প্রভুর শপথ! ভর্ৎসনাকারী ও সিদ্দীক কখনো এক ব্যক্তি হতে পারেনা। অর্থাৎ সিদ্দীকীয়তের মত উৎকৃষ্টগুণ ভর্ৎসনা করার মত নিকৃষ্টতম কাজ একই ব্যক্তির মধ্যে সমাবেশ ঘটতে পারেনা। কেননা এ দু'টি পরস্পর বিরোধী। এটা শুনে হযরত আবু বকর (রা.) ঐ দিনেই তাঁর কয়েকজন দাসকে মুক্ত করে দিয়ে নবীর কাছে গিয়ে বললেন ভবিষ্যতে কখনো এ কাজের (পাপের) পুনরাবৃত্তি করবোনা।^{১১১৫} অর্থাৎ ভুলক্রমেও যদি কোন সময় এ ধরনের পাপ সংঘটিত হয়ে যায় তাহলে সাথে সাথে তার বিপরীত দান সাদকা কিংবা যেকোন নেক কাজ করে ভবিষ্যতে আর কোন দিন করবোনা বলে প্রতিজ্ঞা করলে তা তাওবার পর্যায়ে পৌঁছে যায়। ফলে গুনাহ মাফ হওয়ার আশা করা যায়। সমাজে কিছু অশিক্ষিত অজ্ঞ লোক আছে যারা সামান্য বিষয়ে কথায় কথায় অভিশাপ ও গালিগালাজ করে। এটা অত্যন্ত নিন্দনীয় ও নাজায়েয। মু'মিন হলো আদর্শবান ও চরিত্রবান ব্যক্তি। অভিসম্পাত ও ভর্ৎসনা মু'মিনের বৈশিষ্ট্য হতে পারেনা। তাই নবী করিম ﷺ এগুলোর ব্যাপারে কঠোরভাবে নিষেধ করেছেন। হাদিস শরীফে বর্ণিত

^{১১১০}. মুসলিম, সূত্র: মিশকাত, পৃ. ৪১১

^{১১১১}. তিরমিযী, সূত্র: মিশকাত, পৃ. ৪১৩

^{১১১২}. মুসলিম, সূত্র: মিশকাত, পৃ. ৪১১

^{১১১৩}. বায়হাকী, সূত্র: মিশকাত, পৃ. ৪১৫

আছে- রাসূল ﷺ এরশাদ করেন- «لَا تَلْعَنُوا بَلْعَنَةَ اللَّهِ، وَلَا بَغْضَبِ اللَّهِ، وَلَا بِجَهَنَّمَ»^{১১৪} তোমরা একে অপরকে এভাবে অভিসম্পাত করবে না যে, তোমার উপর আল্লাহর অভিসম্পাত হোক, আল্লাহর গজব হোক এবং তুমি জাহান্নামী।^{১১৪} অনেকেই প্রাকৃতিক বস্তুকে নিজের প্রতিকূল হতে দেখলে তাকে অভিসম্পাত ও গাল-মন্দ দিতে আরম্ভ করে। অথচ এটা জঘন্য পাপ। কারণ প্রকৃতির সবই আল্লাহর সৃষ্টি। এদের নিজেদের কোন ক্ষমতা নাই। স্বয়ং আল্লাহই ওদের নিয়ন্ত্রক। সুতরাং ঐগুলোকে গালি দেওয়া মানে আল্লাহকে গালি দেওয়ার সমান। তাছাড়া অনেক ক্ষেত্রে অভিসম্পাত নিজের উপর এসে পড়ে। হাদিস শরীফে বর্ণিত আছে-
 إِنَّ رَجُلًا نَازَعَتْهُ الرِّيحُ رِدَاءَهُ عَلَى فَلَغَنَهَا ، فَقَالَ رَسُولُ صَلَّى اللَّهُ عَلَيْهِ وَسَلَّمَ: «لَا تَلْعَنُهَا، فَإِنَّهَا مَأْمُورَةٌ، وَإِنَّهُ مِنْ لَعْنِ شَيْئًا لَيْسَ لَهُ بِأَهْلٍ رَجَعَتْ اللَّعْنَةُ عَلَيْهِ»
 এক ব্যক্তির গায়ের চাদর বাতাসে উড়ছিল। লোকটি বাতাসকে অভিসম্পাত করতে লাগল। নবী করিম ﷺ শুনে বললেন- বাতাসকে অভিসম্পাত করোনা। কেননা তা তো আদিষ্ট (অর্থাৎ আল্লাহর হুকুমে চলে) তবে মনে রেখো যে ব্যক্তি কোন বস্তুকে লা'নত করে আর যদি ঐ বস্তুটি লা'নতের যোগ্য না হয় তাহলে লা'নত লা'নতকারীর দিকেই ফিরে আসে।^{১১৫}

লা'নত এর শরয়ী বিধান

লা'নত বা অভিসম্পাত সম্পর্কে শরীয়তের বিধান হল, কোন মুসলমানকে নির্দিষ্ট করে লানত দেওয়া না জায়েয। কেননা রাসূল ﷺ বলেছেন, لَّا تَقُولُوا الْمُسْلِمَ عَلَيْكَ لَعْنَةٌ, اللَّهُ তোমার উপর আল্লাহর অভিশাপ ও আল্লাহর গযব এরূপ বলোনা। তবে সামগ্রিকভাবে কোন জাতি বা সম্প্রদায়ের উপর লা'নত করা বৈধ। যেমন বলা হয়— لَعْنَةُ سَامِ الْكَافِرِينَ। অনুরূপভাবে যে ব্যক্তির মৃত্যু কুফর বা শিরক অবস্থায় হয়েছে বলে নস বা দলীল দ্বারা প্রমাণিত তার উপরও লা'নত করা বৈধ।

অশ্লীলতা হল বেহায়াপনা বা নির্লজ্জতার আলামত। লজ্জা ঈমানের শাখা। লজ্জা না থাকলে মানুষ যে কোন নিকৃষ্ট কাজ করতে পারে। অশ্লীলতা মানুষকে ত্রুটিপূর্ণ করে দেয়, যতসব কুকর্ম ও দোষ-ত্রুটির জন্ম দেয়। হাদিস শরীফে রাসূল ﷺ এরশাদ করেন— مَا كَانَ الْفُحْشُ فِي شَيْءٍ إِلَّا شَانُهُ، وَمَا كَانَ الْحَيَاءُ فِي شَيْءٍ إِلَّا زَانُهُ কোন কিছুতে অশ্লীলতা

^{১১১৪}. তিরমিযী, আবু দাউদ, সূত্র: মিশকাত, পৃ. ৪১৩

୧୧୧୫ ପ୍ରାଣୁକ

তাকে ক্রটিপূর্ণ করে দেয় আর লজ্জাশীলতা তাকে সৌন্দর্যমণ্ডিত করে দেয়।^{১১১৬} ঐক্য, ভ্রাতৃত্ব ও শান্তি ইসলামের কাম্য। আর অশ্লীলতা গাল-মন্দ ও হিংসা-বিদ্বেষ এই ঐক্য, ভ্রাতৃত্ব ও শান্তি-শৃঙ্খলাকে বিনাশ করে ফেলে। ফলে ঐসব খারাপ অভ্যাস পরিত্যাগ করা প্রত্যেক মানুষের জন্য আবশ্যিক।

মিথ্যা

মিথ্যা বলা মহাপাপ। একথাটি প্রত্যেক ধর্মেই স্বীকৃত। বিশেষত ইসলামে এটাকে সকল পাপের মূল হিসাবে চিহ্নিত করা হয়েছে। মিথ্যাই মানুষকে পাপ ও অপরাধের প্রতি উৎসাহ যোগায়। একটি মিথ্যাকে চাপা দিতে অসংখ্য মিথ্যার আশ্রয় নিতে হয়। মূলত মিথ্যার উপর ভরসা করেই মানুষ অপরাধ করার সাহস পায়। মিথ্যাবাদীকে কেউ পছন্দ করে না এমনকি অতি আপনজনও। মহান দয়াবান আল্লাহ মিথ্যাবাদীকে অভিশাপ করেন। পবিত্র কুরআনে বলা হয়েছে— **لَعْنَتَ اللَّهُ عَلَى الْكَاذِبِينَ** মিথ্যাবাদীদের উপর আল্লাহর অভিশাপ।^{১১১৭} মিথ্যা মিথ্যাবাদীকে জাহান্নামী বানিয়ে দেয়। রাসূল ﷺ এরশাদ করেন— **إِيَّاكُمْ وَالْكَذِبَ، فَإِنَّ الْكَذِبَ يَهْدِي إِلَى الْفُجُورِ، وَإِنَّ الْفُجُورَ يَهْدِي إِلَى النَّارِ**— তোমরা মিথ্যাচার হতে বঁচে থাক। মিথ্যা পাপাচারের পথ দেখায় আর পাপ জাহান্নামের দিকে নিয়ে যায়। যে ব্যক্তি সর্বদা মিথ্যা কথা বলে এবং মিথ্যা বলতে সচেষ্ট থাকে, আল্লাহর দরবারে তাকে বড় মিথ্যুক বলে লিখা হয়।^{১১১৮} মিথ্যা কত বড় জঘন্য ও নিকৃষ্ট তা রাসূল ﷺ এরশাদ করেন— **إِذَا كَذَبَ الْعَبْدُ تَبَاعَدَ عَنْهُ الْمَلَكُ مِائِلًا مِنْ ثَنِي مَا جَاءَ بِهِ**— তখন (তার নিরাপত্তায় নিয়োজিত) ফেরেশতা মিথ্যার দুর্গন্ধের কারণে এক মাইল দূরে চলে যায়।^{১১১৯} অর্থাৎ মিথ্যা এতবেশী দুর্গন্ধময় যে, যার দুর্গন্ধ এক মাইল পর্যন্ত বিস্তার লাভ করে। মিথ্যা কোন প্রকৃত মু'মিনের স্বভাব হতে পারেনা। যিনি মু'মিন তিনি সত্যবাদী। সত্য আর মিথ্যা দু'টি বিপরীতধর্মী জিনিস। এ দু'টি কক্ষনো এক ব্যক্তির মাঝে সমাবেশ ঘটতে পারেনা। হাদিস শরীফে বর্ণিত আছে, রাসূল ﷺ কে জিজ্ঞাসা করা হয়েছিল— **أَيُّكُونُ الْمُؤْمِنُ جَبَانًا؟ فَقَالَ: «نَعَمْ» فَقِيلَ لَهُ: أَيُّكُونُ الْمُؤْمِنُ بَخِيلًا؟ قَالَ: نَعَمْ**— **أَيُّكُونُ الْمُؤْمِنُ كَذَّابًا؟ قَالَ: لَا**

^{১১১৬}. তিরমিযী, আবু দাউদ, সূত্র: মিশকাত, পৃ. ৪১৩

^{১১১৭}. সূরা আলে ইমরান, আয়াত-৬১

^{১১১৮}. বুখারী, মুসলিম, সূত্র: মিশকাত, পৃষ্ঠা-৪১২

^{১১১৯}. তিরমিযী, সূত্র: মিশকাত, পৃষ্ঠা-৪১৩

বললেন- হ্যাঁ। তাকে আরো জিজ্ঞাসা করা হল, ঈমানদার কি কুপণ হতে পারে? রাসূল ﷺ বললেন, হ্যাঁ। তাঁকে আবার জিজ্ঞাসা করা হলো, ঈমানদার কি মিথ্যাবাদী হতে পারে? তিনি বললেন, না।^{১১২০} অর্থাৎ ভীরুতা ও কুপণতা ঈমান বিরোধী স্বভাব নয়। কোন মু'মিনের মধ্যে তা সংক্রমিত হতে পারে। ফলে তাকে কাপুরুয বা কুপণ বলা যায়। কিন্তু কোন মু'মিনের মধ্যে মিথ্যা থাকতে পারেনা। কারণ প্রত্যেক মুসলমান জন্মগতভাবে সত্যবাদীতার উপর জন্মলাভ করে।

সমাজে এমন কিছু লোক দেখা যায় যারা নিজেদেরকে বিজ্ঞ, জ্ঞানী ও পণ্ডিত হিসাবে প্রকাশ করার উদ্দেশ্যে মেলা-মজলিসে উপস্থিত শ্রোতাদের থেকে প্রশংসা পাওয়ার জন্য এবং মানুষকে হাসানোর জন্য মিথ্যা বলে থাকে। এদের জন্য নবী করিম ﷺ তিনবার অনুশোচনা ব্যক্ত করেন। রাসূল ﷺ এরশাদ করেন- «وَيْلٌ لِّمَنْ يُحَدِّثُ فَيَكْذِبُ؛ لِيُضْحِكَ بِهِ الْقَوْمَ، وَيْلٌ لَهُ، وَيْلٌ لَهُ» অনুশোচনা তাদের জন্য যারা কথা বলে, আর জনতাকে হাসানোর জন্য মিথ্যা বলে। তাদের জন্য অনুশোচনা, তাদের জন্য অনুশোচনা।^{১১২১} মিথ্যা মুনাফেকী স্বভাব। রাসূল ﷺ এরশাদ করেন- «إِنَّ الْكَذِبَ بَابٌ مِنْ أَبْوَابِ النَّفَاقِ» নিঃসন্দেহে মিথ্যা নেফাকের দরজাসমূহের একটি দরজা।^{১১২২} রাসূল ﷺ আরো এরশাদ করেন- «ثَلَاثٌ مَنْ كُنَّ فِيهِ فَهُوَ مُنَافِقٌ، وَإِنْ صَامَ وَصَلَّى وَزَعَمَ أَنَّهُ مُسْلِمٌ: إِذَا حَدَّثَ كَذَبَ، وَإِذَا وَعَدَ أَخْلَفَ، وَإِذَا أُؤْتِمِنَ خَانَ» যার মধ্যে তিনটি স্বভাব থাকবে সে মুনাফিক। যদিও রোযা রাখে, নামায পড়ে এবং নিজেকে মুসলমান মনে করে। তাহল যখন কথা বলে মিথ্যা বলে, ওয়াদা করলে ভঙ্গ করে এবং আমানত রাখলে খিয়ানত করে।^{১১২৩} মিথ্যা দ্বারা মানুষের আদালত, সততা ও গ্রহণযোগ্যতা নষ্ট হয়ে যায়। মিথ্যাবাদী প্রমাণিত হলে মুহাদ্দিসীনে কেরামগণ তাদের থেকে হাদিস গ্রহণ করতেন না।

ঘটনা

হযরত শিবলী (র.) একজন উচু স্তরের অলী ছিলেন। তিনি একজন উস্তাদের নিকট ইলমে নাহু শিক্ষার জন্য গেলেন। উস্তাদ বললেন- পড়! ضَرَبَ زَيْدٌ عُمَرَ! যায়েদ ওমরকে মেরেছে। তখন হযরত শিবলী (র.) জিজ্ঞেস করলেন যে, বাস্তবে কি যায়েদ ওমরকে মেরেছে? উস্তাদ উত্তর দিলেন- মারেনি তবে এটা একটা উদাহরণ। তখন হযরত শিবলী

^{১১২০}. মালেক, বায়হাকী, সূত্র: মিশকাত, পৃষ্ঠা-৪১৪

^{১১২১}. আহমদ, তিরমিযী, আবু দাউদ, দারেমী, সূত্র: মিশকাত, পৃষ্ঠা-৪১৩

^{১১২২}. ইমাম গাজ্জালী (র.), তাশকীলে কিরদার, উর্দু, পৃষ্ঠা-৭৬

^{১১২৩}. বুখারী ও মুসলিম

(র.) বললেন— আমি এমন ইলম পড়ব না যার ভিত্তিটাই মিথ্যার উপর এ বলে তিনি চলে গেলেন।^{১১২৪} আগেই বলা হয়েছে মিথ্যা সকল পাপের মূল ও উৎস। মিথ্যা বলে অস্বীকার করে মুক্তি পাবে— এই বিশ্বাসের উপর ভিত্তি করেই মানুষ পাপাচারে লিপ্ত হয়। তাই প্রথমে পাপের উৎসকে বন্ধ করতে হবে। এক ব্যক্তি রাসূল ﷺ'র দরবারে এসে বলল— ইয়া রাসূলুল্লাহ আমি মুসলমান হতে চাই। তবে আমার মধ্যে অনেক মন্দ স্বভাব আছে যা আমি মোটেই ছাড়তে পারবোনা। আমি ব্যভিচার করি, মদ্যপান করি, চুরির অভ্যাসও আছে এবং মিথ্যাও বলি। আমাকে দয়া করে ঐগুলোর অনুমতি দিন। আমি ধীরে ধীরে একটি একটি করে ত্যাগ করব। রাসূল ﷺ তাকে জিজ্ঞাসা করলেন— ঠিক আছে, তুমি মিথ্যা বলা ত্যাগ করতে পারবে? লোকটি ভাবল এটাতো সহজ। ঠিক আছে আমি ওয়াদা করলাম মিথ্যা ত্যাগ করবো। এই বলে চলে গেল। এখন সে তার অভ্যাস অনুযায়ী যখন যিনা করার ইচ্ছা করল তখন চিন্তা করল আল্লাহর দরবারে যখন হাজির হবো তখন মিথ্যা বলতে পারবোনা আর সত্য বললে লজ্জিত হবো ও শাস্তি পাবো। অতএব যিনা করার ইচ্ছা ত্যাগ করল। এভাবে মদ্যপানের ইচ্ছা করলে এবং রাতে চুরি করার ইচ্ছা করলে ঠিক তার অন্তরে ঐ কথা এসে যায়। ফলে মিথ্যা বলতে পারবো না বলে সেই এক এক করে সব পাপ কাজ পরিত্যাগ করে ধর্মসের হাত থেকে রক্ষা পেয়েছে।^{১১২৫}

সাধারণত মিথ্যা দু'ধরনের হতে পারে। ক. মানুষের মধ্যে বাগড়া-বিবাদ সৃষ্টির উদ্দেশ্যে, নিজের লাভ অন্যের ক্ষতির উদ্দেশ্যে অথবা পাপাচারের শাস্তি থেকে মুক্তি লাভের উদ্দেশ্যে। এটা না জায়েযও হারাম। আল্লাহপাক বলেন— **وَاجْتَنِبُوا قَوْلَ الزُّوْرِ** তোমরা মিথ্যা পরিহার কর।^{১১২৬} খ. বিবাদমান দু'ব্যক্তি বা দু'দলের সমঝোতা সৃষ্টির উদ্দেশ্যে অথবা কোন মুসলমানের কল্যাণার্থে কিংবা কোন মুসলমানকে ক্ষতি থেকে বাঁচানোর জন্য মিথ্যা বলা শুধু বৈধ নয় বরং ক্ষেত্র বিশেষে এ প্রকারের মিথ্যা ওয়াজিব হয়ে যায়। রাসূল ﷺ এরশাদ করেন— **لَيْسَ الْكَذِبُ الَّذِي يُصْلِحُ بَيْنَ النَّاسِ** সে ব্যক্তি মিথ্যুক নয় যে লোকদের মধ্যে মীমাংসা করে।^{১১২৭} হযরত সওবান (রা.) বলেন— **«الْكَذِبُ كُلُّهُ إِلَّا مَا نَفَعَ بِهِ مُسْلِمًا، أَوْ دَفَعَ عَنْهُ ضَرَرًا»** প্রত্যেক মিথ্যা গুনাহ তবে যে মিথ্যা দ্বারা কোন মুসলমানের কল্যাণ সাধিত হয় কিংবা কোন মুসলমানকে ক্ষতি থেকে বাঁচানোর জন্য বলা হয়ে তা বৈধ।^{১১২৮} তবে যতক্ষণ সত্য দ্বারা সম্ভব হয় ততক্ষণ মিথ্যার

^{১১২৪}. আব্দুর রহমান সফুরী (র.), নুযহাতুল মাজালিস, পৃষ্ঠা-১১৯

^{১১২৫}. আব্দুর রহমান সফুরী (র.), প্রাগুক্ত, পৃষ্ঠা-১১৯

^{১১২৬}. সূরা হাজ্ব, আয়াত-৩০

^{১১২৭}. বুখারী, মুসলিম, সূত্র: মিশকাত, পৃষ্ঠা-৪১২

^{১১২৮}. ইমাম গাজ্জালী (র.), তাশকীলে কিরদার, উর্দু, পৃষ্ঠা-৭৬

আশ্রয় না নেওয়া শ্রেয়। সর্বদা মনে রাখতে হবে রাসূল ﷺ এর বাণী الصدق ينجي والكذب يهلك সত্য মুক্তি দান করে আর মিথ্যা ধ্বংস করে।

গীবত

গীবত বা পরনিন্দা মুসলিম সমাজের একটি মারাত্মক ব্যাধি। সমাজে হিংসা বিদ্বেষ ও বিশৃঙ্খলা সৃষ্টিকারী একটি মহামন্ত্র। পরস্পর বিশ্বাস, সহমর্মিতা ও বন্ধুত্ব গীবতের কারণে বিনষ্ট হয়। দুনিয়া-আখিরাতে ক্ষতিকারক এই মহাব্যাধি থেকে বেঁচে থাকার জন্য পবিত্র কুরআনে সুস্পষ্ট নির্দেশ এবং হাদিস শরীফে কঠোর সতর্কবাণী এসেছে। সুতরাং গীবত বা দোষচর্চা হতে বাঁচতে হলে প্রথমে এ ব্যাপারে সম্যক জ্ঞান বা ধারণা থাকা উচিত।

গীবতের পরিচয়

আল্লামা আব্দুল হাই লক্লেভী (র.) বলেন— কারো অনুপস্থিতিতে তার এমন কোন দোষ-ত্রুটি আলোচনা করা যা সে শুনলে আঘাত পাবে ইসলামী পরিভাষায় তাই গীবত। তা মুখের আলোচনায়, ইশারা-ইঙ্গিতে, কলমে কিংবা অন্য যে কোন উপায়ে হোক। সমালোচিত ব্যক্তি বিধর্মী হলেও গীবত সাব্যস্ত হবে।^{১১২৯} মূলত আমরা গীবতের প্রকৃত পরিচয় সম্পর্কে অজ্ঞ। অনেকে মনে করে আমি অন্যের সম্পর্কে যা বলছি তা তো সত্য, মিথ্যা না। অর্থাৎ ঐ দোষ তার মধ্যে বিদ্যমান। সুতরাং এটা গীবত হবে কেন? এই ধারণা ভুল। ব্যক্তির মধ্যে বাস্তবে যে দোষ রয়েছে, তার অনুপস্থিতিতে সে দোষ আলোচনা করার নামই গীবত। পক্ষান্তরে ব্যক্তির মধ্যে আদৌ যে দোষ নেই। কিন্তু তার প্রতি এরূপ মিথ্যা দোষারোপ করাকে মিথ্যা অপরাধ বলা হয়। মোটকথা হল, বাস্তব সত্যও যদি অসাক্ষাতে বলে তাও গীবত। গীবতের পরিচয় দিতে গিয়ে রাসূল ﷺ এরশাদ করেন— «تَذَرُونَ مَا الْغِيْبَةُ؟ قَالُوا اللَّهُ وَرَسُولُهُ أَعْلَمُ قَالَ: ذِكْرُكَ أَخَاكَ بِمَا يَكْرَهُ» — «أَفَرَأَيْتَ إِنْ كَانَ فِي أَخِي مَا أَقُولُ؟ قَالَ: إِنْ كَانَ فِيهِ مَا تَقُولُ فَقَدْ اغْتَبْتَهُ، وَإِنْ لَمْ يَكُنْ فِيهِ قِيلَ: أَفَرَأَيْتَ إِنْ كَانَ فِي أَخِي مَا أَقُولُ؟ قَالَ: إِنْ كَانَ فِيهِ مَا تَقُولُ فَقَدْ اغْتَبْتَهُ» তোমরা কি জান গীবত কাকে বলে? সাহাবীগণ বললেন আল্লাহ ও তাঁর রাসূলই ভাল জানেন। রাসূল ﷺ বললেন— তোমরা কোন (মুসলমান) ভাই সম্পর্কে এমন কথা বলা, যা (শুনলে) তার খারাপ লাগবে। জিজ্ঞাসা করা হলো, যদি আমার ভাইয়ের মধ্যে সে ত্রুটি বর্তমান থাকে, যে ত্রুটি সম্পর্কে আমি বললাম। তবুও কি গীবত হবে? রাসূল ﷺ বললেন, তুমি যে দোষ-ত্রুটির কথা বললে তা যদি তার মধ্যে থাকে তাহলে তুমি তার গীবত করলে, আর যদি সে দোষ-ত্রুটি তার মধ্যে না থাকে তবে তুমি

তার প্রতি মিথ্যা অপবাদ দিলে।^{১১৩০} উক্ত হাদিস শরীফ থেকে প্রমাণিত হয় যে, মিথ্যা অপবাদ গীবতের চেয়ে মারাত্মক। গীবত হারাম, কবীরা গুনাহ বা মহাপাপ। এটা অত্যন্ত ঘৃণিত, দুর্গন্ধময় ও অতি নিকৃষ্ট কাজ। পবিত্র কুরআনে গীবতকারী ব্যক্তিকে আপন ভাইয়ের মৃতদেহের গোশত ভক্ষণকারী বলে আখ্যায়িত করা হয়েছে। আর তা হল কুকুর, গুকুর ও ইতর প্রাণীর কাজ। আল্লাহ পাক বলেন- **وَلَا يَغْتَبَ بَعْضُكُم بَعْضًا أَيَحِبُّ أَحَدُكُم أَنْ** তোমরা কেউ কারো গীবত করোনা। তোমাদের কেউ কি আপন মৃত ভ্রাতার মাংস ভক্ষণ করা পছন্দ করবে? বস্তুত তোমরা তা ঘৃণা কর।^{১১৩১} ইমাম জয়নুল আবেদীন (রা.) একদিন এক গীবতকারীকে উদ্দেশ্য করে বললেন- **انك** কুকুরদের তরকারী।^{১১৩২} একদিন হযরত আয়েশা (রা.) রাসূল **ﷺ** কে উম্মুল মু'মিনীন হযরত সাফিয়া (র.) সম্পর্কে মন্তব্য করে বলেন যে, **حَسْبُكَ مِنْ صَفِيَّةٍ كَذَا وَكَذَا، تَعْنِي** «لَقَدْ قُلْتُ كَلِمَةً لَوْ مَزَجَ بِهَا الْبَحْرُ لَمَزَجَتْهُ»^{১১৩৩} তুমি এমন এক জঘন্য কথা বলেছ, যদি সমুদ্রের পানির সাথে তা মিশ্রণ করা হয় তাহলে তার (আবজর্নাময় দুর্গন্ধে) সমুদ্রকেও পরিবর্তন করে দেবে। অর্থাৎ সমুদ্রের পানিকে আবজর্নাময় দুর্গন্ধে পরিণত করে ফেলবে।^{১১৩৪} হযরত জাবের (রা.) বলেন, রাসূল **ﷺ** এর যুগে গীবতের দুর্গন্ধ অনুভব করা যেতো। কারণ তখন গীবতের অস্তিত্ব ছিল খুবই কম। কিন্তু এখনকার সময় গীবতের প্রাদুর্ভাবের কারণে লোকজন এত অভ্যস্ত হয়ে পড়েছে যে, দুর্গন্ধই অনুভব হয়না। যেমন কোন অনভ্যস্ত ব্যক্তি চামড়ার গুদামে গেলে দুর্গন্ধের কারণে বেশীক্ষণ অবস্থান করতে পারবেনা। কিন্তু অভ্যস্ত ব্যক্তির চামড়ার উপর বসে পানাহার করছে, অথচ কোন রূপ দুর্গন্ধ অনুভব করছেন। গীবতের অবস্থাও তাই।^{১১৩৪}

হযরত আনাস (রা.) বলেন- রাসূল **ﷺ** এরশাদ করেন- মি'রাজের রাত্রিতে আমি এমন কিছু লোকের নিকট দিয়ে অতিক্রম করেছিলাম যারা নিজেদের মুখমণ্ডল বিরাটাকার ধারালো নখের দ্বারা আঁচড়াতে ছিল এবং গলিত পঁচা লাশ ভক্ষণ করছিল। জিব্রাইলকে

^{১১৩০}. মুসলিম, সূত্র: মিশকাত, পৃষ্ঠা-৪১২

^{১১৩১}. সূরা হুজরাত, আয়াত-১২

^{১১৩২}. ইমাম গাজ্জালী (র.), কিমিয়ায়ে সা'দাত, সূত্র: গীবত, পৃষ্ঠা-৫০

^{১১৩৩}. আহমদ, তিরমিযী, সূত্র: মিশকাত, পৃষ্ঠা-৪১৪

^{১১৩৪}. ইমাম গাজ্জালী (র.), মুকাশিফাতুল কুলুব, খণ্ড-১ম, পৃষ্ঠা-১৭০

এদের পরিচয় জিজ্ঞাসা করলে বললেন, এরা দুনিয়াতে (অন্যের গীবত করে) মরা লাশের গোশত ভক্ষণ করতো।^{১১৩৫} হযরত আবু হোরায়ারা (রা.) বলেন, যে ব্যক্তি পার্থিব জগতে তার ভাইয়ের গোশত খেয়েছে গীবতের দ্বারা কিয়ামত দিবসে তার সামনে ঐ ব্যক্তির গোশত হাযির করা হবে এবং বলা হবে যেভাবে তুমি দুনিয়াতে তার গোশত খেয়েছিলে সেভাবে তার মৃত অবস্থায় ভক্ষণ কর।^{১১৩৬} গীবত ইবাদতের পূর্ণ সওয়াব থেকে বঞ্চিত করে এমনকি ক্ষেত্র বিশেষে মূল ইবাদতকেও নষ্ট করে দেয়। হযরত আব্দুল্লাহ ইবনে আব্বাস (রা.) বলেন— দু'জন রোযাদার ব্যক্তি যোহর কিংবা আসর নামায পড়ল। যখন নবী ﷺ নামায শেষ করলেন— বললেন, তোমরা যাও পুনরায় উযু কর ও নামায পড় এবং তোমাদের রোযা পূর্ণ করে অন্য কোন দিন তা কাযা কর। তারা আরয করল কেন? ইয়া রাসূলুল্লাহ! হযরত ﷺ বললেন— কারণ তোমরা অমুক ব্যক্তির গীবত করেছ।^{১১৩৭} অধিকাংশ ফোকাহাদের মতে গীবতের দ্বারা নামায, রোযা ও উযু ভঙ্গ না হলেও এগুলোর সওয়াব কমে যায় কিংবা যার গীবত করেছে সওয়াব তার আমলনামায় চলে যায়। হাদিস শরীফে বর্ণিত আছে, কিয়ামতের দিন গীবতকারীর আমল গীবতকৃত ব্যক্তিকে প্রদান করা হবে। ফলে হযরত হাসান (রা.) একবার জানতে পারলেন যে, জনৈক ব্যক্তি তাঁর গীবত করেছে। সংবাদ পেয়ে তিনি ঐ ব্যক্তির নিকট কিছু হাদিয়া পাঠিয়ে দিলেন এবং বললেন— তুমি আমার গীবত করে তোমার নেকীগুলো আমাকে দিয়ে দিয়েছ। সুতরাং তোমার এ উপকারের কৃতজ্ঞতা জ্ঞাপনস্বরূপ সামান্য এ হাদিয়া পাঠালাম।^{১১৩৮} গীবতকারী আমল শূন্য হয়ে জাহান্নামে প্রবেশ করবে।

গীবত ব্যাভিচার হতেও মারাত্মক। কারণ গীবত বান্দার হক। বান্দাহ ক্ষমা না করলে আল্লাহ তা ক্ষমা করেন না। যিনাহকে গুনাহ মনে করে তা গোপনে করে পক্ষান্তরে সাধারণত গীবতকে গুনাহও মনে করেনা। আর গুনাহকে গুনাহ মনে না করা বড় গুনাহ। গীবতকারী যেহেতু গীবতকে গুনাহই মনে করে না। সেহেতু তাওবাও করেনা। ফলে গুনাহগার হয়ে জাহান্নামী হয়। রাসূল ﷺ এরশাদ করেন: قَالُوا: يَا رَسُولَ اللَّهِ وَكَيْفَ الْغِيْبَةُ أَشَدُّ مِنَ الزُّنَا؟ قَالَ: " إِنَّ الرَّجُلَ لَيَزْنِي فَيُتَوَّبُ فَيُتَوَّبُ اللَّهُ عَلَيْهِ " . وَفِي رِوَايَةٍ فَيُغْفَرُ لَهُ، وَإِنَّ صَاحِبَ الْغِيْبَةِ لَا يُغْفَرُ لَهُ حَتَّى يَغْفِرَهَا لَهُ صَاحِبُهُ " . وَفِي رِوَايَةِ أَنَسٍ الْغِيْبَةُ أَشَدُّ مِنَ الزُّنَا قَالَ صَاحِبُ الزُّنَا يَتَوَّبُ وَصَاحِبُ الْغِيْبَةِ لَيْسَ لَهُ تَوْبَةٌ

^{১১৩৫}. প্রাণ্ডক্ত, পৃষ্ঠা-১৬৮

^{১১৩৬}. মিশকাত, পৃষ্ঠা-৪১৫

^{১১৩৭}. আত-তারগীব ওয়াত তারহীব, সূত্র: গীবত, পৃষ্ঠা-৪৯

^{১১৩৮}. গীবত, পৃষ্ঠা-৫৭। সূত্র: আব্দুল হাই লক্ষ্মীভী, নুযহাতুল মাজালিস

সাহাবীগণ আরয করলেন— এটা কিভাবে? রাসূল ﷺ বললেন মানুষ ব্যভিচার করে। অতঃপর তাওবা করে এবং আল্লাহ পাক অনুগ্রহ করে তাওবা কবুল করেন। কিন্তু পরোক্ষ নিন্দাকারীকে আল্লাহ ক্ষমা করেন না। যতক্ষণ না যার নিন্দা করা হয়েছে সে ক্ষমা করে। হযরত আনাস (রা.)'র বর্ণনায় আছে, রাসূল ﷺ এরশাদ করেন, ব্যভিচারী তাওবা করে কিন্তু পরোক্ষ নিন্দাকারীর জন্যে তাওবা নাই।^{১১৩৯} কারো দোষ চর্চা করা যেমন পাপ তেমনি শোনাও পাপ। বসে বসে গীবত শোনা এবং তাতে বাঁধা না দেওয়া গীবত করার নামান্তর। কারণ এতে গীবতকারীকে উৎসাহ প্রদান করা হয়। রাসূল ﷺ এরশাদ করেন— কোন মজলিসে কারো গীবত চর্চা হলে যার গীবত করা হচ্ছে তার প্রশংসা করে গীবতকারীকে গীবত থেকে বেঁচে থাকার সহায়তা কর। গীবতকারীকে গীবত হতে বাধা প্রদান কর নতুবা মজলিশ ত্যাগ করে চলে যাও। চুপচাপ বসে থাকলে তুমিও গীবতকারী বলে গণ্য হবে। হাদিস শরীফে বর্ণিত আছে— **«مَنْ ذَبَّ عَنْ عَرَضِ أَخِيهِ بِالْغِيْبَةِ كَانَ حَقًّا عَلَى اللَّهِ أَنْ يُعْتِقَهُ مِنَ النَّارِ»** যে ব্যক্তি গীবতের দ্বারা কোন মুসলমানের সম্মানহানী থেকে লোকদেরকে প্রতিহত করবে তাকে জাহান্নাম থেকে মুক্তি দেয়া মহান আল্লাহর উপর অপরিহার্য হয়ে যায়।^{১১৪০} গীবত শ্রবণ করার পর প্রথম করণীয় হচ্ছে, যার গীবত শোনা হচ্ছে তার সম্পর্কে খারাপ ধারণা না করা, তার মন্দ বিষয়সমূহকে সত্য মনে না করা। কারণ গীবতকারী মহাপাপী। সে কোন অবস্থাতেই বিশ্বাসযোগ্য হতে পারেনা। হযরত আব্দুল্লাহ ইবনে মুবারক (রা.)'র মজলিসে এক ব্যক্তি হযরত আবু হানিফা (র.)এর গীবত করলে ইবনে মুবারক তাকে থামিয়ে বললেন; তুমি ইমাম আবু হানিফার গীবত করছ অথচ তার শান হল— একাধারে চল্লিশ বছর তিনি একই উষু দিয়ে পাঁচওয়াক্ত নামায পড়েছেন।^{১১৪১}

গীবতের পরিণাম

গীবতকারীর দোয়া কবুল হয়না। ফকীহ আবুল লাইছ (র.) বলেছেন, **«لَا تَنْجُوهُ تِلْكَ يَسْتَجَابُ دَعْوَتُهُمْ أَكْلَ الْحَرَامِ وَمُكْثَارَ الْغِيْبَةِ وَمَنْ كَانَ فِي قَلْبِهِ يَخْلُ أَوْ حَسَدٌ لِلْمُسْلِمِينَ** তিন ব্যক্তির দোয়া কবুল হয়না— হারাম খাদ্য ভক্ষণকারী অধিকহারে গীবতকারী, কূপণ ও হিংসুক ব্যক্তি।^{১১৪২} হযরত ইব্রাহিম ইবনে আদহাম (র.)কে জিজ্ঞাসা করা হয়েছিল, আমাদের দোয়া কবুল না হওয়ার কারণ কি? তিনি আটটি দোষের কারণে দোয়া কবুল

^{১১৩৯}. মিশকাত, পৃষ্ঠা-৪১৫

^{১১৪০}. মুসনাদে আহমদ ও তিরমিযী, সূত্র: গীবত, পৃষ্ঠা-৮০

^{১১৪১}. দুররুল মোখতার পাদটীকা, সূত্র: গীবত

^{১১৪২}. আব্দুল হাই লক্ষৌভী, গীবত, পৃষ্ঠা-৫৬

হয়না বলে উল্লেখ করেছেন। তন্মধ্যে আট নম্বরে বলেন- তোমরা ভোরে ঘুম থেকে উঠেই নিজের দোষ-ত্রুটির প্রতি না তাকিয়ে অপরের দোষচর্চা শুরু করে দাও। এ কারণেই তোমাদের উপর আল্লাহর রহমত নাযিল হয়না এবং দোয়া কবুল হয়না।^{১১৪৩}

গীবতের কারণে তিনটি মহা ক্ষতি সাধিত হয়। রাসূল ﷺ বলেছেন, **اياكم والغيبة فان** গীবত হতে **فيها ثلاث افات لا يستجاب له الدعاء ولا يقبل له الحسنات ويزداد عليه السيئات** বেঁচে থাক। কেননা এতে তিনটি বালা রয়েছে- এক. গীবতকারীর দোয়া কবুল হয়না। দুই. তার নেক আমলসমূহ কবুল হয়না। তিন. তার পাপসমূহ বৃদ্ধি পেতে থাকে।^{১১৪৪} গীবতকারী সর্বাত্মে জাহান্নামে যাবে। বিশিষ্ট সাহাবী হযরত কা'ব ইবনে আহবার (রা.) বলেন- আমি পূর্ববর্তী নবীগণের কিতাবে পড়েছি **من مات تائباً من الغيبة كان اخر من يدخل الجنة ومن مات مصرّاً عليه كان اول من يدخل النار** যে ব্যক্তি গীবত থেকে তাওবা করে মৃত্যুবরণ করেছে সে সর্বশেষে জান্নাতে প্রবেশ করবে পক্ষান্তরে যে গীবতের উপর অটল থাকা অবস্থায় (তাওবাবিহীন) মৃত্যুবরণ করবে সে সবার আগে জাহান্নামে প্রবেশ করবে।^{১১৪৫}

কবরে এক তৃতীয়াংশ শাস্তি গীবতের কারণে হবে। বর্ণিত আছে, **عذاب القبر ثلث من** এক তৃতীয়াংশ গীবতের কারণে। **البول** এক তৃতীয়াংশ চোগলখোরীর কারণে এবং **অপর এক তৃতীয়াংশ পেশাব হতে ভালভাবে পরিচ্ছন্নতা অর্জন না করার কারণে হবে।**^{১১৪৬} হযরত হাতিম আসাম (রা.) বলেছেন- গীবতকারী জাহান্নামে বানররূপে, মিথ্যাবাদী জাহান্নামে কুকুররূপে এবং হিংসুক শূয়ররূপে অবস্থান করবে।^{১১৪৭}

গীবতের কাফফারা

পূর্বেই বলা হয়েছে ‘গীবত’ হল বান্দার হক। সুতরাং কাফফারাও বান্দার সাথে সম্পর্কিত। অর্থাৎ যার ‘গীবত’ করা হয়েছে প্রথমে তার কাছ থেকে ক্ষমা চেয়ে নিতে হবে যদি তিনি উপস্থিত থাকেন কিংবা বেঁচে থাকেন। পক্ষান্তরে যদি সে দূরে থাকার কারণে সাক্ষাৎ সম্ভব না হয় বা মৃত্যুবরণ করে তবে সেক্ষেত্রে আল্লাহর নিকট তাওবা করবে এবং ঐ ব্যক্তির জন্য মাগফিরাত কামনা করবে। রাসূল ﷺ এরশাদ করেন, গীবতের

^{১১৪৩}. প্রাগুক্ত, পৃষ্ঠা-৫৬

^{১১৪৪}. প্রাগুক্ত, পৃষ্ঠা-৫৯

^{১১৪৫}. ইমাম গাজ্জালী (র.), কিমিয়ায়ে সা'দত। সূত্র: গীবত, পৃষ্ঠা-৪৮

^{১১৪৬}. গীবত পৃষ্ঠা-৪৮ ও ফকীহ আবুল লাইস, তায্বীহুল গাফেলীন, পৃষ্ঠা-১০৮।

^{১১৪৭}. আব্দুর রহমান সফুরী (র.), নুযহাতুল মাজালিস, সূত্র: আব্দুল হাই লক্ষ্মণাভী, গীবত, পৃষ্ঠা-৫১

কাফফারা হল- তুমি যার গীবত করেছ তার জন্য মাগফিরাত কামনা করবে এভাবে- হে আল্লাহ আমাদেরকে এবং তাকে ক্ষমা কর।^{১১৪৮} এতক্ষণ যাবৎ গীবতের পরিণাম সম্পর্কে আলোচনায় এর মারাত্মক অনিষ্ট সম্পর্কে সম্যক জ্ঞান লাভের পর কোন বিবেকবান মানুষ গীবতে লিপ্ত হতে পারেনা। তবে কারো সাক্ষাতে তাকে সংশোধনের উদ্দেশ্যে, জনসাধারণের বৃহত্তর স্বার্থ ও দ্বীনের হেফাজতের উদ্দেশ্যে কারো নিন্দা প্রকাশ করা বৈধ। কোন কোন সময় অত্যাচারীর বিরুদ্ধে নিন্দাবাদ করা, খোদাদ্রোহীদের দোষ-ত্রুটি তুলে ধরে দ্বীনের বিরুদ্ধে তাদের ষড়যন্ত্রের স্বরূপ উদঘাটন করে দ্বীনের হেফাজত করা আবশ্যিক হয়ে পড়ে। অত্যাচারিত ও নিপীড়িত ব্যক্তি অত্যাচারী সম্পর্কে জনগণের নিকট কিংবা বিচারকের নিকট তার অত্যাচারের কাহিনী দোষ-ত্রুটি তুলে ধরতে পারবে। শরীয়তের পরিপন্থি-বিদয়াত প্রচারকারীর দোষ বর্ণনা করা জায়েয। হযরত সুফিয়ান ইবনে উয়াইনা (র.) বলেন- **ثَلَاثَةٌ لَيْسَتْ لَهُمْ غِيَّةٌ: الْإِمَامُ الْجَائِرُ، وَالْفَاسِقُ الْمُعْلَنُ بِفِسْقِهِ،** তিন প্রকারের মানুষের সমালোচনা করা গীবত হয়না। এক. অত্যাচারী শাসক। দুই. অভিশপ্ত ফাসেক ও তিন. ঐ বিদয়াতী লোক যে মানুষকে বিদআত কাজের দিকে আহ্বান করে।^{১১৪৯} সারকথা হল গীবত মানুষের দুনিয়া আখিরাতে বিধ্বংসী এক মহাপাপ। সুতরাং পাপকে ঘৃণা করা উচিত, পাপীকে নয়। কারো কোন পাপ দেখা মাত্র তাকে হেয় করার উদ্দেশ্যে সমালোচনা করা কোন জ্ঞানী লোকের কাজ নয়। কারণ দৃশ্যমান ইবাদত পরকালে নাজাত পাওয়ার একমাত্র অবলম্বন নয়। হাতে তসবীহ, মাথায় পাগড়ি, গায়ে জোড়া-তালির কাপড় জ্ঞানাত লাভের মাধ্যম নয়। অন্তরে ঈমান ও তাকওয়া থাকলে অনেক সময় আমল ছাড়াও নাজাত পাওয়া যায়। বড় বড় অলী আল্লাহও মুহূর্তের মধ্যে পাপী হয়ে যায় আবার জঘন্য পাপী ও আল্লাহর অলী হতে সময় লাগেনা। গীবতের আলোচনা হযরত ইবনে আব্বাস (রা.)'র একটি মূল্যবান বাণী দিয়ে সমাপ্ত করছি। তিনি বলেন- **اِذَا ارَدْتَ اَنْ تَذْكُرَ عِيُوبَ صَاحِبِكَ فَادْكُرْ عِيُوبَكَ** যখন তুমি তোমার কোন সঙ্গীর দোষ সম্পর্কে গীবত করতে চাইবে তখন নিজের দোষসমূহের কথা স্মরণ কর।^{১১৫০} এই সহজ পদ্ধতি অবলম্বনের মাধ্যমেই আল্লাহ আমাদেরকে গীবত ও এর অনিষ্ট হতে বেঁচে থাকার তাওফীক দান করুন। আমীন।

চোগলখোরী

একজনের কথা কিংবা দোষ অপরজনকে বলে বেড়ানোকে চোগলী বলা হয়। চোগলখোরী অত্যন্ত নিকৃষ্ট কাজ। এটা হারাম। এর ফলে ইসলামের সাম্য, ঐক্য,

^{১১৪৮}. মিশকাত, পৃষ্ঠা-৪১৫

^{১১৪৯}. বায়হাক্বী, সূত্র: গীবত, পৃষ্ঠা-৩৮

^{১১৫০}. আব্দুল হাই লক্ষ্মীভী, গীবত, পৃষ্ঠা-৪৯

ভ্রাতৃত্ব, শান্তি-শৃঙ্খলা বিনষ্ট হয়। সমাজে, পরিবারে, ভাইয়ে ভাইয়ে, পিতা-পুত্রে কলহ-বিবাদ লেগে থাকে। বেহেশ্তী পরিবেশ দোযখে পরিণত হয়। পবিত্র কুরআনে বলা হয়েছে— هُمَزَةٌ لُمَزَةٌ وَلِئَلَّ لِكُلِّ هُمَزَةٍ لُمَزَةٌ প্রত্যেক পশ্চাতে ও সম্মুখে পরনিন্দাকারীর দুর্ভোগ।^{১১৫১}

অপর আয়াতে বলা হয়েছে— هَمَّازٌ مَشَاءٌ بَنِيمٍ যে পশ্চাতে নিন্দা করে, একের কথা অপরকে লাগায় (সে পাপিষ্ট)।^{১১৫২} চোগলখোর সমাজে সর্বদা ফেতনা-ফাসাদ সৃষ্টি করার কুমন্ত্রনায় লিপ্ত থাকে। একজনের বিরুদ্ধে আর একজনকে কিভাবে ক্ষেপাবে সে চিন্তায় রাত দিন মগ্ন থাকে। ফলে নিজেও শান্তি পায় না অপরকেও শান্তিতে থাকতে দেয়না। এরা সমাজ বিধ্বংসী কীট। এদেরকে কেউ পছন্দ করেনা। আল্লাহ বলেন, وَاللَّهُ لَا يُحِبُّ

المُفْسِدِينَ আল্লাহ ফাসাদ সৃষ্টিকারীদের পছন্দ করেন না।^{১১৫৩} পৃথিবীতে ফেতনা ফাসাদ

সৃষ্টি করা মুনাফিকের চরিত্র। পবিত্র কুরআনে আছে— وَإِذَا قِيلَ لَهُمْ لَا تُفْسِدُوا فِي الْأَرْضِ

يَقُولُوا إِنَّمَا نَحْنُ مُصْلِحُونَ ، أَلَا إِنَّهُمْ هُمُ الْمُفْسِدُونَ وَلَكِنْ لَا يَشْعُرُونَ

বলা হয় যে, দুনিয়ার মধ্যে ফেতনা-ফাসাদ করোনা। তখন তারা বলে আমরা তো সংশোধনকারী। জেনে রেখো তারাই ফাসাদ সৃষ্টিকারী। কিন্তু তারা তা উপলব্ধি

করেনা।^{১১৫৪} চোগলখোর জান্নাতে যাবে না। রাসূল ﷺ এরশাদ করেন— لَا يَدْخُلُ الْجَنَّةَ

الْمُنْكَرُ পরনিন্দাকারী জান্নাতে প্রবেশ করবে না।^{১১৫৫} অর্থাৎ তারা অন্যান্য নেক্কারদের

সাথে প্রথম পর্যায়ে বেহেশতে যাবেনা বরং তার কৃতকর্মের প্রতিফল তথা শাস্তি ভোগ করার পর জান্নাতে প্রবেশ করবে।

চোগলখোরের কবর আযাব

চোগলখোর দুনিয়াতে যেমন লাঞ্ছিত হয় তেমন কবরেও কঠিন শাস্তি ভোগ করবে।

বুখারী ও মুসলিম শরীফে একাধিক স্থানে বর্ণিত বিসৃদ্ধ হাদিসে ইবনে আব্বাস (রা.)

থেকে রেওয়ায়েত আছে যে, রাসূল ﷺ একদিন দু'টি কবরের পাশ দিয়ে যাচ্ছিলেন।

হঠাৎ যাত্রাবিরতি করে বললেন— এ দু'টি কবরবাসীর উপর আযাব হচ্ছে। কারণ ওদের

একজন চোগলখোরী করত আর অপরজন পেশাব হতে ভালভাবে পবিত্রতা অর্জন করত

না।^{১১৫৬} আল্লামা আব্দুল হাই লক্ষ্ণৌভী (র.) ‘তামীহুল গাফেলীন’ এর উদ্ধৃতি দিয়ে বর্ণনা

করেন— জনৈক আনসারী সাহাবীর বোনের ইস্তিকাল হল। কাফন-দাফন শেষে বাড়ী

ফিরে তার স্মরণ হল, তার টাকার থলে কবরের ভিতর রয়ে গেছে। অতঃপর কবর খনন

^{১১৫১} . সূরা হুমাযাহ, আয়াত-১

^{১১৫২} . সূরা ক্বলম, আয়াত-১১

^{১১৫৩} . সূরা মায়েরা, আয়াত-৬৪

^{১১৫৪} . সূরা বাকারা, আয়াত- ১১

^{১১৫৫} . মিশকাত, পৃষ্ঠা-৪১১

^{১১৫৬} . মিশকাত, পৃষ্ঠা-৪২

করে তা নিতে গিয়ে দেখল যে, কবরে আগুন। বোনের মর্মান্তিক পরিণতি প্রত্যক্ষ করে তাড়াতাড়ি মাটি দ্বারা ঢেকে দিয়ে মায়ের কাছে গিয়ে ঘটনার বিবরণ দিল। তার আমল সম্পর্কে মাকে জিজ্ঞাসা করলে উত্তরে মা বললেন, তার তেমন কোন দোষ ছিলনা, তবে তার চোগলখোরীর অভ্যাস ছিল। নামায বিলম্বে পড়ত এবং পাক পবিত্রতায় উদাসীন থাকত। এ কারণেই হয়ত তার এই আযাব হচ্ছে।^{১১৫৭} চোগলখোর আল্লাহর নিকট অতি নিকৃষ্ট ও ইতর। মানুষের ঘৃণার পাত্র হয় চোগলখোর। এদের দেখলে মানুষ মুখ ফিরিয়ে ফেলে, কথা বলা বন্ধ করে দেয় এবং তাদের অনিষ্ট থেকে বেঁচে থাকার চেষ্টা করে। চোগলখোর ওলিদ ইবনে মুগীরাকে কুরআনে হারামজাদা তথা জারজ সন্তান বলে লাঞ্ছিত করা হয়েছে। রাসূল ﷺ এরশাদ করেন— عباد الله اذا رُؤوا اذكروا الله وشرا عباد الله المثلون بالميممة المارقون بين الاحبة الباغون আল্লাহর প্রিয় বান্দাহ তারা যাদেরকে দেখলে আল্লাহকে স্মরণ হয়। আল্লাহর নিকট নিকৃষ্ট বান্দাহ তারা যারা মানুষের পরোক্ষ নিন্দা করে বেড়ায়। বন্ধুদের মধ্যে বিভেদ সৃষ্টি করে এবং পুত-পবিত্র লোকদের পদঙ্কলন প্রত্যাশা করে।^{১১৫৮} অর্থাৎ চোগলখোরীর মাধ্যমে ভাল মানুষদেরকে বিপর্যয়ে, পাপাচারে ধ্বংসে, পতনে ও ব্যভিচারে ফেলার সুযোগের সন্ধান করে। চোগলখোরের দোয়া কবুল তো দূরের কথা তার কারণে অন্যদের দোয়াও কবুল হয়না। ফলে সে শুধু নিজে ক্ষতিগ্রস্ত হয়না অপরকেও ক্ষতিগ্রস্ত করে। তাদের কারণে আল্লাহর রহমত ও নিয়ামত হতে সবাইকে বঞ্চিত হতে হয়।

ঘটনা

হযরত মুসা (আ.)এর সম্প্রদায় বনী ইসরাইলে একদিন অনাবৃষ্টির কারণে দূর্ভিক্ষে পতিত হয়েছে। মুসা (আ.) সম্প্রদায়ের লোকদের নিয়ে লাগাতার তিনদিন বৃষ্টির জন্য দোয়া করলেন। কিন্তু দোয়া কবুল হয়নি বৃষ্টিও হয়নি। মুসা (আ.) আল্লাহর কাছে জিজ্ঞাসা করলেন— এর কারণ কি? তখন ওহী নাযিল হল— হে মুসা! তোমার সম্প্রদায়ের মধ্যে একজন চোগলখোর আছে যার কারণে দোয়া কবুল হচ্ছেনা এবং হবেও না। মুসা (আ.) বললেন, হে আল্লাহ! কে সে বদবখত? আপনি আমাকে পরিচয় করিয়ে দিন, আমি তাকে বের করে দেবো। আল্লাহ বললেন— আমি চোগলখোরী থেকে তোমাদেরকে নিষেধ করি আর আমি কিভাবে চোগলখোরী করবো? হুকুম হল তোমরা সবাই একত্রে তাওবা কর, তাহলে দোয়া কবুল হতে পারে। অতএব সবাই খালস দিলে তাওবা করেছে তাৎক্ষণিক বৃষ্টি অবতীর্ণ হয়েছে।^{১১৫৯} ইমাম ইয়াহিয়া আকসাম (র.) বলেন, চোগলখোর

^{১১৫৭}. আব্দুল হাই লফ্লেভী, গীবত, পৃ. ৪২ ও ইমাম গাজ্জালী (র.), মুকাশিফাতুল কুলুব, খণ্ড-১ম, পৃ. ১৬৮

^{১১৫৮}. মিশকাত, পৃষ্ঠা-৪১

^{১১৫৯}. ইমাম গাজ্জালী (র.), কিমিয়ায়ে সা'দত, পৃষ্ঠা-২১৩ ও আবুল লাইস (র.), তান্বীহুল গাফেলীন, আরবী, পৃষ্ঠা-১০৯

যাদুকরের চেয়ে মারাত্মক ক্ষতিকারক। একজন চোগলখোর এক ঘন্টায় যা (ক্ষতি) করতে পারে যাদুকর তা একমাসেও পারেনা।^{১১৬০} কথিত আছে যে, চোগলখোরের কাজ শয়তানের কাজের চেয়েও ক্ষতিকর। কেননা শয়তানের কাজ হল ভিতরে, খেয়ালে ও প্ররোচনার মাধ্যমে পক্ষান্তরে চোগলখোরের কাজ প্রত্যক্ষ ও সামনাসামনি।^{১১৬১} আরবী প্রবাদে চোগলখোরকে **الاحط** তথা লাকড়ি বাহক বলা হত। অধিকাংশ মুফাসসিরগণ কুরআনের আয়াত **حَمَلَةُ الْحَطَبِ** থেকেও চোগলখোর অর্থ লিখেছেন। শুকনো লাকড়ি যেমন আগুনের ইন্ধন হয়, চোগলখোরও ব্যক্তিবর্গ ও পরিবারে আগুন জ্বালিয়ে দেয়।^{১১৬২} হযরত মাসআব ইবনে জুবাইর (র.) বলেন, আমার মতে চোগলখোরের কথা শোনা চোগলী করার চেয়েও মারাত্মক অপরাধ। চোগলখোরের উদ্দেশ্য হল উত্তেজিত করা আর শ্রবণকারী তা কবুল করে তাকে উৎসাহিত করে।^{১১৬৩} হযরত হাসান বসরী (র.) বলেন—যে ব্যক্তি তোমার সামনে অন্যের কথা বলে সে অবশ্যই তোমার কথা অন্যের কাছে বলে বেড়াবে। সুতরাং সর্বাবস্থায় চোগলখোরের খপ্পর থেকে বেঁচে থাকা আবশ্যিক।

মদ ও জুয়া

‘ইসলাম’ বিজ্ঞান সম্মত ধর্ম। এর প্রতিটি আদেশ নিষেধ হেকমতে পূর্ণ। ইসলামে বস্তুত শুধু বাহ্যিক দিকটা বিচার্য নয় বরং ভিতরে বাইরে সবকিছুকে বিচার করে ভালমন্দের সিদ্ধান্ত দেয়া হয়। প্রাক ইসলামী যুগে সমগ্র আরব সমাজে মদ ও জুয়ার ব্যাপক প্রচলন ছিল। শুধু তা নয় মদ আভিজাত্যের প্রতীক ছিল। আল্লাহ তায়ালা মদ্যপানকে বৈজ্ঞানিক পদ্ধতিতে পর্যায়ক্রমে নিষেধ করেছেন। কারণ দীর্ঘদিনের অভ্যাস মানুষ সহজে ত্যাগ করতে পারেনা। তাই আল্লাহপাক প্রথমে মদ্যপানের অপকারিতা সম্পর্কে সতর্ক করে দেন। আল্লাহ তায়ালা বলেন— **يَسْأَلُونَكَ عَنِ الْخَمْرِ وَالْمَيْسِرِ قُلْ فِيهِمَا** তারা আপনাকে মদ ও জুয়া সম্পর্কে জিজ্ঞেস করে। আপনি বলে দিন, এতদুভয়ের মধ্যে মহাপাপ আছে এবং মানুষের জন্য উপকারিতাও আছে। তবে এগুলোর পাপ উপকারিতা অপেক্ষা অনেক বড়।^{১১৬৪} এ দু’টির মধ্যে মানুষের ধারণা মোতাবেক সামান্য উপকারিতা থাকলেও অপকারিতা কিন্তু অনেক বেশী। কারণ মানুষের সবচেয়ে বড় নেয়ামত ও দামী বস্তু হচ্ছে আকল বা বিবেক যা দ্বারা মানুষের শ্রেষ্ঠত্ব প্রমাণিত হয়, তা মদ্যপান দ্বারা বিলুপ্ত হয়ে যায়। ফলে যে কোন পাপ কাজে লিপ্ত হয়ে পড়ে সে। তাফসীরে আযিযী গ্রন্থে ইবনে জরির, ইবনে আবি হাতেম, হাকেমের উদ্ধৃতি দিয়ে হযরত ইবনে আব্বাস, হযরত আলী ও হযরত আব্দুল্লাহ

^{১১৬০} ফকীহ আবুল লাইস (র.), তাম্বীহুল গাফেলীন, আরবী, পৃষ্ঠা-১০৮

^{১১৬১} তাম্বীহুল গাফেলীন, আরবী, পৃষ্ঠা-১০৮

^{১১৬২} প্রাগুক্ত

^{১১৬৩} ইমাম গাজ্জালী (র.), কিমিয়ায়ে সা’দত, পৃষ্ঠা-৩৯৪

^{১১৬৪} সূরা বাকারা, আয়াত-২১৯

ইবনে মুজাহিদ (রা.) থেকে বর্ণনা করেন, হযরত ইদ্রিস আলাইহিস সালামের যামানায় মানুষ বিভিন্ন পাপাচারের লিপ্ত হয়ে পড়লে ফেরেশ্তারা আল্লাহর দরবারে আরখ করল ইনসান বড় গুনাহগার। আমরা প্রথমেই বলেছিলাম এরা দুনিয়ায় গিয়ে খুন খারাবীতে লিপ্ত হবে। এখন আমাদের কথা সত্য প্রমাণিত হচ্ছে। আল্লাহ পাক বললেন— মানুষকে ক্রোধ, ক্ষুধা ও শাহওয়াত দেয়া হয়েছে যা দ্বারা তারা গুনাহে লিপ্ত হচ্ছে। তারা বলল, আমাদের এগুলি দিলেও আমরা গুনাহে লিপ্ত হবো না। তাদের বলা হল— ঠিক আছে তোমাদের মধ্যে সবচেয়ে বড় পরহেজগার ফেরেশতা নির্বাচিত কর। তাদেরকে ঐগুলি দিয়ে পরীক্ষা করা হবে। তারা বাছাই করে হারুত ও মারুত দু'জন ফেরেশতা নির্বাচিত করল। আল্লাহ তাদের শাহওয়াত ও রাগ দিয়ে পৃথিবীতে বাবেল শহরে পাঠালেন। তারা দিনের বেলায় কাজী হয়ে ন্যায়বিচার প্রতিষ্ঠা করতেন আর সন্ধ্যা বেলায় ইসমে আ'যমের মাধ্যমে আসমানে উঠে যেতেন। ন্যায়পরায়ণতায় তারা প্রসিদ্ধি লাভ করলেন। বহু মোকাদ্দমা তাদের কাছে আসতে লাগল। একদিন যুহরা নামক একজন সুন্দরী মহিলা স্বামীর বিরুদ্ধে মোকাদ্দমা নিয়ে আসে। তাকে দেখা মাত্রই ঐ দু'জন ফেরেশতা আশেক হয়ে পড়েছে এবং অন্যায় কাজের প্রস্তাব দিয়েছে। মহিলাটি বলল— তোমাদের এবং আমাদের দ্বীন-ধর্ম ভিন্ন, তাছাড়া আমার স্বামী অত্যন্ত রাগী শুনলে আমাকে হত্যা করবে। তাদের আসক্তি আরো বৃদ্ধি পেলে মহিলা প্রস্তাব দিল তোমরা আমার দেবতাকে সেজদা কর অথবা আমাকে ইসমে আ'যম শিক্ষা দাও অথবা আমার স্বামীকে হত্যা কর অথবা মদ্যপান কর। তারা বলেছে সিজদা শিরক এটা সম্ভব নয়। ইসমে আ'যম এটা আসরারে এলাহী। এটা প্রকাশ করা খেয়ানত ও যুলুম। হত্যা বান্দার হক এগুলো আমাদের দ্বারা অসম্ভব। তবে মদ্যপান করতে পারি। অতএব মদ্যপানে সম্মত হয়ে মদ্যপান করে মাতাল হয়ে পড়েছে। ফলে মাতাল অবস্থায় তারা মূর্তিপূজা করেছে, ইসমে আ'যম শিখিয়েছে এবং মহিলার স্বামীকে হত্যাও করেছে। পরে হুঁশ আসলে তারা লজ্জিত হল, আল্লাহর দরবারে তাওবা করল। কিয়ামত পর্যন্ত, দুনিয়াতে তারা কঠিন শাস্তি ভোগ করতে থাকবে।^{১১৬৫} অর্থাৎ স্বাভাবিক অবস্থায় যেসব গুনাহ করতে সাহস পায়নি মদ্যপান করে মাতাল হয়ে সেসব কাজ অনায়াসেই করে ফেলেছে। অতএব বলা হয় যে, বিবেক বিলুপ্ত হয়ে গেলেই প্রতিটি মন্দ কাজের পথ সুগম হয়ে যায়। মদ্যপান সম্পর্কে দ্বিতীয় আয়াত নাযিল হয় হযরত আব্দুর রহমান ইবনে আওফ (র.)এর ঘরে কয়েকজন সাহাবী উপস্থিত আহরাদি করার পর যথারীতি সবাই মদ্যপান করলেন। মাগরীবের নামাযে হযরত আলী (রা.) ইমামতি করতে গেলে মদ্যপানের কারণে তিনি **قُلْ يَا أَيُّهَا الْكَافِرُونَ** সূরা পড়তে ভুল করেছেন। তখন আয়াত নাযিল হয় **يَا أَيُّهَا الَّذِينَ آمَنُوا لَا تَقْرَبُوا الصَّلَاةَ**

وَأَنْتُمْ سُكَارَىٰ ۖ هَٰذَا هِيَ إِمَانُ الدَّارِغَةِ! তোমরা নেশাবস্থায় নামাযের কাছে যেওনা।^{১১৬৬}
 পরবর্তীতে আর এক ঘটনায় মদ্যপান করে সাহাবায়ে কেরামগণের মধ্যে হতাহতের
 ঘটনা ঘটলে মদ্যপান হারাম সম্পর্কে চূড়ান্ত আয়াত নাযিল হয়। আল্লাহ পাক এরশাদ
 করেন- يٰۤاَيُّهَا الَّذِيْنَ اٰمَنُوْا اِنَّمَا الْخَمْرُ وَالْمَيْسِرُ وَالْاَنْصَابُ وَالْاَزْلَامُ رِجْسٌ مِّنْ عَمَلِ الشَّيْطٰنِ
 ۖ هَٰذَا هِيَ إِمَانُ الدَّارِغَةِ! মদ, জুয়া, মূর্তি এবং তীর নিক্ষেপ এই সবগুলো অপবিত্র
 শয়তানের কাজ। সুতরাং তোমরা এগুলো থেকে বিরত থাক।^{১১৬৭} হাদিস শরীফে বর্ণিত
 আছে রাসূল ﷺ এরশাদ করেন- সর্বপ্রকার অপকর্ম এবং অনশীলতার জন্মদাতা হচ্ছে
 মদ। এটি পান করে মানুষ নিকৃষ্টতর পাপে লিপ্ত হয়ে যেতে পারে। পরবর্তী আয়াতে বলা
 হয়েছে- اِنَّمَا يُرِيْدُ الشَّيْطٰنُ اَنْ يُوَفِّعَ بَيْنَكُمْ الْعَدٰوَةَ وَالْبَغْضَآءَ فِي الْخَمْرِ وَالْمَيْسِرِ وَيَصُدَّكُمْ عَنْ
 شَیْءٍ مِّنْ دِكْرِ اللّٰهِ وَعَنِ الصَّلٰةِ فَهَلْ اَنْتُمْ مُنْتَهُوْنَ
 শয়তান তো চায়, মদ ও জুয়ার মাধ্যমে তোমাদের
 পরস্পরের মাঝে শত্রুতা ও বিদ্বেষ সঞ্চারিত করে দিতে এবং আল্লাহর স্মরণ ও নামায
 থেকে তোমাদের বিরত রাখতে। তবুও কি তোমরা তা থেকে বিরত থাকবেনা?^{১১৬৮}
 উপরোক্ত আয়াত থেকে মদ্যপান ও জুয়ার ক্ষতিসমূহ চিহ্নিত হয়েছে এবং প্রমাণিত
 হয়েছে যে, এ দু'টি কাজ শয়তানের পক্ষ হতে হয়ে থাকে। শয়তান কাউকে মদ্যপান ও
 জুয়া খেলায় লিপ্ত রাখতে পারলে অনেক কল্যাণজনক কাজ থেকে বিরত এবং বহু
 ধ্বংসাত্মক কাজে পতিত করাতে পারে আর এটাই শয়তানের কাজ। হযরত সাঈদ (রা.)
 হযরত কাতাদাহ (রা.) থেকে বর্ণনা করেন, নবী করিম ﷺ এরশাদ করেন, চার ব্যক্তি
 জান্নাতের সুগন্ধি পাবে না অথচ তা পঁচশত বছরের দূরত্ব থেকে পাওয়া যায়। অর্থাৎ চার
 প্রকারের মানুষ জান্নাত থেকে পঁচশত বছরের দূরে থাকবে। আর তারা হল কৃপণ, খোটা
 প্রদানকারী, মদ্যপানে অভ্যস্ত ব্যক্তি ও পিতা-মাতার অবাধ্য ব্যক্তি।^{১১৬৯} হযরত আব্দুল্লাহ
 ইবনে মাসউদ (র.) বলেন, মদের সাথে সম্পর্কযুক্ত দশ শ্রেণীর লোকের উপর রাসূল
 ﷺ লানত করেছেন। (১) যে মদের নির্যাস বের করে (২) প্রস্তুতকারক (৩) পানকারী
 (৪) যে পান করায় (৫) আমদানীকারক (৬) যার জন্য আমদানী করা হয় (৭) বিক্রেতা
 (৮) ক্রেতা (৯) সরবরাহকারী ও (১০) এর লভ্যাংশ ভোগকারী।^{১১৭০} হযরত আব্দুল্লাহ
 ইবনে ওমর (রা.) বলেন, কিয়ামতের দিন মদ্যপায়ীকে উপস্থিত করা হবে, তার চেহারা
 থাকবে কুৎসিত, চোখ দু'টি নীলবর্ণের, জিহ্বা বুক পর্যন্ত বুলন্ত এবং তা থেকে লালা

^{১১৬৬} সূরা নিসা, আয়াত-৪৩

^{১১৬৭} সূরা মায়দা, আয়াত-৯০

^{১১৬৮} সূরা মায়দাহ, আয়াত-৯১

^{১১৬৯} ফকীহ আবুল লাইস (র.), তাযীহুল গাফেলীন, আরবী, পৃষ্ঠা-১১

^{১১৭০} প্রাপ্তান্ত

ঝরতে থাকবে। তার এরূপ অবস্থা যারা দেখবে, সে তার দুর্গন্ধের কারণে তাকে ঘৃণা করবে। তোমরা মদ্যপায়ীদের সালাম দেবেনা, অসুস্থ হলে দেখতে যাবেনা এবং তারা মারা গেলে তাদের জানাযা পড়বে না।^{১১৭১} হযরত ওসমান (রা.) বলেন- তোমরা মদ্যপান থেকে বিরত থাক। কেননা এ হচ্ছে সকল গুনাহের মূল। কোন ব্যক্তির অন্তরে ঈমান ও মদ একত্রিত হতে পারেনা। এ দু'টির একটি অপরটিকে ধ্বংস করে দেয়। অর্থাৎ নেশাগ্রস্ত অবস্থায় মদ্যপায়ীর মুখ দিয়ে কুফরী শব্দ বের হয়ে যেতে পারে। মৃত্যুকালে তার মুখ দিয়ে কুফরী প্রকাশ হওয়ার সম্ভবনা আছে। ফলে দুনিয়া থেকে কুফরী অবস্থায় যাবে এবং চিরকাল জাহান্নামী হবে।^{১১৭২} হাদিস শরীফে বর্ণিত আছে নবী করিম ﷺ এরশাদ করেন- কিয়ামতের দিন মদ্যপায়ী যখন কবর থেকে উঠবে তখন সে পাঁচা লাশের চেয়েও দুর্গন্ধযুক্ত হবে। তার গলায় থাকবে মদের ভাণ্ড ঝুলানো, হাতে পেয়াল। তার চামড়া ও গোশতের মাঝখানটা সাপ-বিচ্ছুতে ভরা থাকবে। তাকে আগুনের এক জোড়া জুতা পরতে দেয়া হবে তাতে তার মাথার মগজ টগবগ করতে থাকবে। সে দেখবে যে তার কবরটি জাহান্নামের একটি গর্ত এবং জাহান্নামে সে হবে ফেরআউন ও হামানের সাথে।^{১১৭৩} হযরত আসমা বিনতে ইয়াযিদ (রা.) বর্ণনা করেন- আমি রাসূল ﷺ কে বলতে শুনেছি- যে ব্যক্তি মদ্যপান করে সাত দিন পর্যন্ত তার নামায কবুল হবেনা। যদি তাতে তার জ্ঞান লোপ পায় তাহলে চল্লিশ দিন যাবৎ নামায কবুল হবেনা। যদি মারা যায় তাহলে সে কাফেররূপে মারা যাবে। অন্য এক হাদিসে আছে কেউ যখন একবার মদ্যপান করে তখন চল্লিশ দিন যাবৎ তার কোন নামায, রোযা বা কোন আমল কবুল হবেনা। দ্বিতীয় বার পান করলে আশি দিন যাবৎ তার কোন আমল আল্লাহ কবুল করবেন না। তৃতীয়বার পান করলে একশ বিশ দিন পর্যন্ত, চতুর্থ দিন পান করলে তোমরা তাকে হত্যা করবে। কেননা সে কাফের এবং তাকে জাহান্নামীদের পুঁজ পান করানো আল্লাহর জন্য অপরিহার্য।^{১১৭৪}

এ মাসে ওফাতপ্রাপ্ত মনীষিগণ

- | | |
|-------------------------------|--------------------|
| ■ ইমাম আ'যম আবু হানিফা (র.) | ১৫ শাবান ১৫০ হিজরি |
| ■ ইমাম যয়নুল আবেদীন (র.) | ৪ শাবান |
| ■ হযরত বায়েজিদ বোস্তামী (র.) | ১৪ শাবান ১৬১ হিজরি |
| ■ ইমাম ইবনে কাসীর (র.) | ২৬ শাবান ৭৭০ হিজরি |
| ■ হযরত সুফিয়ান সওরী (র.) | শাবান ১৬১ হিজরি। |

^{১১৭১} প্রাগুক্ত, আয়াত-৯০

^{১১৭২} প্রাগুক্ত, পৃষ্ঠা-৯১

^{১১৭৩} প্রাগুক্ত

^{১১৭৪} প্রাগুক্ত